

KHONFERENSE LE MODIMO

 Ke a go leboga, Ngwanešu Orman. Ke go leboga kudu. Gabotse, re thakgetše go tla morago ka tabarenekeleng gape mosong wo. Feel a ma—ma makgwakgwa gannya nthathana; re bile le nako ya go makatša bjalo beke ye. Ye e bile beke ye kgolo ya ditšhegofatšo bakeng sa ka. Gomme ke na le nnete e na le lena, gape, bontši bja lena mo. Ba bantši ba amogetše Moya wo Mokgethwa. Woo e bile morero wa ren a ka kopanong ye. Gomme lebaka le re sego ra e kwalakwatša, tsela ntle, e be e le ka baka la—la lefelo go bea batho. Le a bona? Re no... Bošego morago ga bošego, batho ba no tloga, bao ke batho ba ren a selegae. Gomme re sa tšo e bolela magareng ga magagešo a ren a fa.

² Le mabapi le dikoleke feel a bjale bakeng sa dipaskete, tše o di bego di le bakeng sa batho ba selegae ba ren a. Ka fao... Seo ke selo sa ren a sa kereke. Se ke sekolo sa ren a sa Lamorena sa mehleng. Le a bona? Gomme ba... Nnete, ge e ka ba mang a nyakile go thuša ka mokgwa woo, re tla—re tla ba le kgonth e gore go išwa go bahloki. Re na le malapa, ka toropongkgolo, ao a se nago selo, a ka se be le selo sa Krisemose. Ba itshamile ka kereke ye. Gomme kafao, ka tsela yeo, gobaneng, e tla—e tla yela morero woo. Yo mongwe wa matikone, nno ba botša se e lego bakeng sa sona, goba kgaetšedi wa ka morago fale o tla e tše a.

³ Bjale, ke a kwa re šetše re bile le tirelo ya kolobetšo mosong wo. Ba mokgwa wa go ntitia go seo, a ga ba? Gabotse, gona, re tla no ba le ye nngwe bošegong bjo, kafao, gona, ra ba le tše pedi tša tšona. Kafao re a nagana... Goba, bonnyane, mogobe o tla tlatšwa, ka gore ka pela ka morago ga tirelo, bošegong bjo, go tla ba le tirelo ye nngwe ya kolobetšo.

⁴ Gomme ba bangwe ba bona, ba rile, ba tla swanelwa ke go kolobetšwa. Kafao Billy o kitimetše godimo, metsotso e se mekae ya go feta, gomme o mpoditše, o rile, “O se tle gonabjale, gobane Ngwanešu Neville o swanetše go kolobetša, pele.” Gomme o rile, “Go be go le batho ba bantši kua ba ba bego ba swanetše go ya, gonabjale. Gomme ba be ba se na kgonth e re be re eya go ba le kolobetšo mosong wo.”

⁵ Elelwang, mogobe wo ka mehla o bulegile. Ka mehla, nako efe kapa efe, iri efe kapa efe ya mosegare goba bošego, o komana bakeng sa kolobetšo. Badiredi ba bangwe ba tla ka fa, ba šomiša mogobe wo go kolobetša, kafao re thabela seo kudu.

⁶ Fa nako ye nngwe ya go feta, kereke ya Park Methodist, ke be ke le godimo fale bakeng sa ti—ti tirelo ya tirelo ya ther. Gomme ngwanešu wa go ratega o rile, “Ke be ke le godimo ga Ngwanešu Branham letšatši le lengwe, go šomiša yeo—yeo...” O rile, “Ke eng le se bitšago selo sela?”

⁷ Ke rile, “Go tla ba boima go Methodist go re, ‘Bokolobetšong.’” Ba be ba na le sedibelwana se sennyane fale, bafafatša ka gare, le a tseba, feela selo se sennyane se dutše godimo ga seo. Ke rile, “Go thata kudu lentšu go Methodist go re, ‘Bokolobetšong,’” ke boletše.

⁸ O rile, “Re rata go ba le bjo bongwe bja bjona tikologong fa. Ke mohuta wa go dumela go seo.”

⁹ Kafao, elelwang, Methodist, Baptist, Presbyterian, mang kapa mang yo a nyakago go bo šomiša, šeboo bjona. Bo bulegile, meetse ke mahala.

¹⁰ Gomme re na le lepara le lennyane, la ye nnyane, ya go fiša phata re e beago ka kua, go leka go a ruthetša. Eupša, ke a le botša bjale, ga se go huthumatše. Ao ke meetse a go tonya kudu nkilego ka a kwa bophelong bja ka. Gomme ke kolobeditše, makga a mantši, moo ke tla swanelago go tšea leoto la ka le go raga aese godimo ga noka, ka mokgwa *woo*, go ba kolobetša. Gomme morago ke sepelela gae, ke leka go sepelela moo ke bego ke swanetše go dula, ke fetola diaparo tša ka. Gomme diaparo tša ka di be di gatsela go nna, ke sepela. Ke be ke no se kgone go dira dikgato tša ka, leoto la marokgo a ka le be le nno tia, le dira dikgato tša ka. Gomme a be a sa tonye boka a. Ao ke meetse a go tonyatonyi nkilego ka a bona ka bophelong bja ka. Ke no se tsoge ka bona meetse e ka ba afe boka ao.

¹¹ Ngwanešu Kelly, go nyakile go ntonya go iša lehung, nako le nako ge ke tsena ka fale. Gomme kafao ka morago . . . [Kgaetšedi Kelly o re, “Ge o ikwela gabotse, ga e dire.”—Mor.] Yeo ke nnete. Ge o ikwela gabotse, ga e dire. Kgaetšedi Kelly o re, “Ge o ikwela gabotse, ga e dire.”

¹² Re thabetše sehlopha se sa batho ba ba thabilego, ba hlakahlkane godimo ſa, ka go mehuta yohle ya go fapano ya dikerekemaina. E no ba bana ba Modimo ba lahletšwe mmogo. Go na le batho ka mo ba e lego Methodist, Baptist, Nazarene, Pilgrim Holiness, Katoliki, Hlatse ya Jehofa, Christian Science, Pentacostal, se sengwe le se sengwe se lahletšwe mmogo.

¹³ [Yo mongwe o re, “Ebile le Mojuda.”—Mor.] Ebile le Mojuda. Tumišang Morena bakeng sa seo. Ke a le leboga. Re thabetše Mojuda kudu. Ee, mohlomphegi. Ge nkabe e—ge nkabe e be e se bakeng sa Mojuda, ga ke tsebe moo re ka bego re le. Yeo ke nnete. Bjale, seo se kaone kudu.

¹⁴ Yeo ke tsela ye Legodimo le yago go ba, tlwa, gobane Legodimo le ya go kgobelwa bohole ba dikerekemaina tšohle tša go fapano. Gomme ke ka baka leo re dutšego mmogo ka mafelong a Magodimong.

¹⁵ Bjale, Doc, yeo e be e le nthathana ya saekolotši. Ke a tseba e be e le. O . . . Ke be ke se kgaušwi go lekanelo le yona. Go no beng makgwakgwa a mannyane, mosong wo, e tla tsena ka go

kere ya bobedi, morago ga nakwana, gomme ka thoma go tloga, le a tseba, ge ke thoma, ke a dumela.

¹⁶ Bjale, ke bile le dipotšišo tše dingwe di etla ka gare bošegong bja go feta, di amanago le kopano. Ge Morena a rata, ke tla di araba ka pela ka kgonthé, bošegong bjo, pele re eba le ti—ti tirelo ya mehleng ya go rera, bošegong bjo. Gomme kafao—kafao ebang le kgonthé go tla, bošegong bjo, ge ka kgonagalo le ka kgona. Gomme ge Morena a rata, ke nyaka go rera ka thuto ye bohlokwa kudu, ya go tswalela ga tsošeletšo bošegong bjo, bokgole bjo re tsebago, ntle le ge Moya wo Mokgethwa o tla lhahla go ya pele.

¹⁷ Ba bantsi ba lena, go le bjalo, ba tla swanelwa ke go ya morago magaeng a lena, lehono, goba ka morago ga tirelo ye, mohlomongwe, mosong wo. Re nyaka go re re a le leboga, kudu. Gomme re nyaka go le lakaletsa Krisemose le bokaonekaone bja Ngwaga wo Moswa. Modimo a be le lena le go le fa dilo tše mpsha, bontši bja Bophelo bjo boswa bjo le bo nyakago le go bo swarelwa ke tlala. Seo ke se ke se dirago, nnamong, ke go swarelwa ke tlala bakeng sa bontši bja Modimo.

¹⁸ Go ne dipotšišo tše mmalwa tše dingwe. Go ne... Ke no ba le di se kae ka kamoreng, feela nako yeo, ba mphile. Gomme ngwanešu tsoko o file morwa wa ka, bošegong bja go feta, dipotšišo tše dingwe. Gomme ga se ke hwetše sebaka go fihla go tšona, gobane ke nno di hlomela ka potleng ya ka, gomme go be go le thari kudu.

¹⁹ Gomme tše dingwe tša tšona di lebane morago gape le Mat.... goba Bahebère 6:4. Kgaetsedi Mammie o nno re, metsotso e se mekae ya go feta, gore o be a thabile kudu go swara seo, gobane o be a botšišitše potšišo ya go swana, nako ye nngwe ya go feta. Seo ke kudu, selo sa go ratha kudu. Eupša ke na le nnete lena bohole le e hweditše, se e bego e le sona. Ke a holofela le dirile. Ga se Mokriste yo a tladitšwego ka Moya.

²⁰ Bjale ge le ka ya go Bahebère 10, le tla bona gore o rile ka fale, go a fapania, ka gona o a bolela, sebe sa go se lebalelwé, go Mokriste, eupša se ke, goba, go motho yo a tladitšwego, eupša yo ke motho yo e lego modumedi wa mollwaneng yo a sa tšwago go latswa.

²¹ Re na le bona ka dikerekeng tšohle. Ba no tla kerekeng, gomme, oo, ba leboga se Morena a se dirago, eupša ba ka se tsoge ba sepelela ka go sona. Ba thabela go bona yo mongwe a fodišitše, eupša ba ka se tsoge ba dira matsapa a go ya ntle le go rapelela balwetši, le go etela sepetlele, goba go dira se sengwe seo se lokilego, le a bona, ka mokgwa woo. Le ba bone mohuta. Ba latswitše. Ba bone. Feel a boka ke boletše, ba Kaine, Bakanana, goba...

²² Baisraele, ge ba be ba batamela Kanana, ba nyakile ba tsene. Ba ile fale, kgole go lekanelia go hwetša tatso ya dikenya go tšwa nageng, eupša ba rile, “Oo, ga re—ga re kgone. Re—re ka se

kgone go e dira.” Eupša Joshua le Kalebe ba tsebile ba ka e dira, gobane ba bile le tshepišo ya Modimo.

²³ Gomme seo ke se Paulo a bego a leka go bolela ka sona, go šupa morago kua go bona ba ba tlilego kgaušwi le Lona, kgaušwi kudu, eupša ba ka se bee seatla sa bona go Lona, bonabeng. Ba no re, “Oo, ke—ke ya kerekeng, tšona dikereke. Ke ya go—go kereke ya bokgethwa, kereke ya Pentecostal. Ke ya go ye.”

“Eupša a le amogetše Moya wo Mokgethwa ge e sa le le dumetše?”

“Oo, aowa. Ga se ka be ka no e dira le bjale.” Le a bona? Ke lena bao.

²⁴ Eupša modumedi wa kgontha a ka se khutše go fihla a tsena ka go Wona. O no swanela go tšwela ntle ka fale ka go Wona. Le a bona?

²⁵ Feela mohuta wa mo—mo mollwaneng, bjale, yoo ke motho yo Paulo a bolelago ka yena.

²⁶ Golebjalo, bjale, mosong wo, ke Molaetša wa mehleng wa Ebangedi bakeng sa mosong wo, morena ge a rata, o mphile segalontšu sa go lekanelia.

²⁷ Ka fao ke nagana gore ke ditsebišo. Ga ke na le nnete, eupša ke nagana gore ke yona, bokgole bjo ke bo tsebago. Gomme Ngwanešu Neville o ba dirile ka moka ga tšona.

²⁸ Gomme ke nyaka lena bohole go tseba, ge eba le kile ka tsela ye... Lena ba le swanetšego go ya gae, bjale, gomme le ka se kgone go šala bakeng sa tirelo ya mantšiboa, ke nyaka le tsebe. Ge o kile wa ba fa, nako efe kapa efe, ke duma go ka be go le bjalo, etla kgaušwi gomme o kwe modiša wa rena. Re na le modiša wa kgontha ka tabarenekeleng ye, Ngwanešu Orman Neville. Ga ke bolele seo gobane o dutše fa. Ke mo tsebile lebaka la mengwaga. Gomme ga se nke a fetoga, nthathana e tee. O sa le Orman Neville, mohlanka wa Morena. O ka kgona go ithekga ka yena. Feela wa go botega, wa go tshepega, moreri wa go makatša. Ke dula morago kua...

²⁹ Gomme ke kwele bareri, gohlegohle lefaseng, ba rera. Eupša dinako tše dingwe o rera dilo tše di no go nkgokafatša, Ke a le botša, go no go iša kgole, ka go—ka go dilo tše dinnyane tšela tše a di šomišago. Ke a le botša, nako le nako ge ke etla, ke tliša... Ke hwetša e ka ba dihlogo tše lesometlhano go tšwa go theroy a gagwe, ge ke—ge ke etla, ke e ngwala fase. Ke eya gae, “Oo, nna, a seo se ka se dire molaetša! Oo, nna, a seo se ka se dire molaetša!” Gomme ke no e ngwala.

³⁰ Kafao etlang tikologong gomme le kwe Ngwanešu Neville wa rena, le go amana le batho ba rena. Ke batho ba badiidi, badiidi ka nnete. Eupša ba rata Morena, gomme ba tla go rata. Gomme kafao re thabile le be le na le rena, le go rapela gore Modimo o tla le šegofatša.

³¹ Bjale a re inamišeng dihlogo tša rena nakwana pele re batamela Lentšu.

³² Morena wa mogau, re a tla bjale feela ka tlhomphokgolo ka mo re tsebago mokgwa wa go tla. Re tla Leineng la Jesu, re dumela gore O re tshepišitše, ka Yena, gore O tla kwa e ka ba eng yeo re tla Go kgopelago Leineng la Gagwe. Gomme re a rapela, Modimo, gore O tla dira ketelo go rena fa mosong wo.

³³ Re nyaka go Go leboga go tšwa mabotebong a pelo ya rena, bakeng sa se O re diretšego bekeng ye ya go feta. Dipelo tše ntši tša go nyama di dirilwe go thaba. Ba bantsi ba batho ba dirilwe go hhalala. Gomme ba bantsi ba ba gakanegilego, ka go Lentšu, bjale ba goeletša phenyo ka Jesu Kriste. Re a Go leboga bakeng sa dilo tše.

³⁴ Gomme re a rapela, Morena, gore lehono go tla ba nako ye nngwe yeo O tla etelago batho ba Gago. Gomme re kgobokane mo, go yohle, mehuta ye mentši ya go fapano, ke tla re, ya dikerekemaina. Ba bangwe ka ditumelo tša go fapano, tša mohlomongwe ka go se dumelane godimo ga Mangwalo, eupša re se ne seo go ba seštiši e ka ba sefe, le gatee, eibile le go kgaetšedi wa Mojuda o phagamišitše seatla sa gagwe. Re kgobokane ka mafelong a Magodimong ka go Kriste Jesu.

³⁵ Re a rapela, lehono, gore Moya wa Gago o tla tšhollewka ka boswa godimo ga rena. Re fe kolobetšo ye mpsha, mosong wo, Morena, goba go tlatšwa go go nanana. Gomme re a kgopela gore O tla fodiša balwetsi, batlaišwa, bao ba hlokago. Monna so o dutše mo ka setulong sa mibili, ba bangwe ba ntle kua, mohlomongwe, ka bothata bja pelo, ba bangwe ka kankere. Ba a hwa, Morena. Gomme dingaka tše bohlokwa tša naga ya rena di hlahlobile ditaba tša bona gomme ba ile tlase ka go yona botebo ka mo ba bego ba kgona, gomme mohlomongwe ka dikaro, gomme go le bjalo diabolo yola o swareletše. O ikemišeditše go tše bophelo bja bona. Gomme o... Ba ka no sega felotsoko ka diatla tša bona tša thipa le diatle tše nanana, go leka go thuša motho yola, eupša letimone lela le tla ngwegela ka go khona ye nngwe ye nnyane gomme fale la phuleletša pele gape. Ka gore o kgona gabotse go utama go tšwa go ngaka. Eupša, Modimo, a ka se kgone go ikutela Wena. O tseba thwi mo a lego. Gomme ka Lentšu la tumelo ya Gago le Maatla, o tla swanelo go sepela. Gomme re rapela Wena, lehono, Modimo, gore O tla dira selo se sengwe le se sengwe se sebe go tlogela batho, gore ba be le pholo, le go ipshina ka ditšhegofatšo tša Morena Modimo wa rena. Ka gore re e kgopela Leineng la Jesu. Amene.

³⁶ Bjale, go na le disakatuku tše ntši di robetše mo. Gomme re tla di rapelela. Gomme ge o se ne se tee fa, gomme o duma se tee, gabotse, o no re ngwalela fa go lepokisi la ofisi ya poso tharo pedi tlhano, gomme ka pela re tla se romela thwi go wena. Yeo e hwetšwa bjale ka go Puku ya Bahebere, ka go Puku ya—ya Ditiro,

tema ya 19, moo re tšeago disakatuku goba dithethwana go tšwa go batho, go di rapelela.

³⁷ A re phetleng, mosong wo bjale, ka Mangwalong, go Puku ya Jesaya, tema ya 1. Jesaya 1, ge re sa bala karolo ya Lengwalo.

³⁸ Gomme ge le sa phutholla go Puku ye, go re latela ka go baleng, re nyaka go bolela se sengwe ka tirelo ya phodišo e tlago godimo.

³⁹ Bjale, ga re leke go bolela gore re dira phodišo Kgethwa, fa, bogolo, gobane phodišo Kgethwa ke bonnyane. Gomme o ka se tsoge wa dira bogolo ka bonnyane. Eupša re a dumela gore bodiredi bja Jesu Kriste, diphesente tše masomeseswai tshela tša bjona, e be e le phodišo Kgethwa. Gomme go swareng šedi ya batho ka phodišo Kgethwa, go tlišitše temogo gore O be a le Modimo. Gomme ba . . .

⁴⁰ O rile, “Ge le sa kgone go Ntumela go ba seo, gona dumelang mediro ye Ke e dirago. Ka gore ge Ke sa dire mediro ya Tate wa Ka, gona se Ntumeleng. Eupša ge Ke dira mediro ya Tate, gomme le ka se kgone go Ntumela, gona dumelang mediro.”

⁴¹ Le a bona, bjalo ka Motho, O itirile Modimo Yenamong. Godimo ga sefapano, goba, feela pele ga sefapano, ba rile go Yena, “Ga re Go kgatle ka matlapa bakeng sa mošomo wo mobotse woo O o dirilego. Eupša re Go kgatla ka matlapa gobane O motho, o itira Modimo Wenamong.” O be a le Modimo. O be a le. Modimo o be a le ka go Yena. Gomme kafao, gona, O rile, “Ge le sa kgone go Ntumela, dumelang mediro ye Ke e dirago.” Le a bona? “E no dumelang mediro, gore ke ya Modimo.”

⁴² Gabotse, bjale, selo sa go swana se lehono. Ga go motho lefaseng a lego Modimo. Ka kgonthe aowa. Bohle re batho, yo mongwe le yo mongwe o tswetšwe ka sebeng, a kgolokelwa bokgopong, a tla lefaseng a bolela maaka. Eupša bjalo ka ge re e kgabotše pepeneneng beke ye, go bontšha gore Modimo o kile a phela *ka godimo* ga sebopiwa sa Gagwe, ka lebaka la sebe. Morago O phetše *le* sebopša sa Gagwe, ka sebopego sa mmele, Jesu Kriste; a bea tente ya Gagwe le rena, a dula le rena, “a dirilwe nama,” le rena, go tlaišega ka sebe le mahlabi, mahloko, le dilo tše re di dirago. Ka gona A hlwekiša Kereke ye A ka dulago *ka go yona*. Ka fao e be e le Modimo ka godimo ga rena; Modimo le rena; Modimo ka go rena.

⁴³ Jesu o rile, “Ka letšatši leo, le tla tseba gore Ke ka go Tate, Tate o ka go Nna; gomme Nna ka go lena, gomme lena ka go Nna.” Gomme le bona fao, ke Modimo a šoma go kgabola. Kafao, ge motho a ineetše ka go felela go Moya wo Mokgethwa, le go bolela, ga se motho a bolelago.

⁴⁴ Ke tseba seo ka boitemogelo. Ka boitemogelo bja ka bjo bonnyane le Kriste, ke hweditše dinako gore—gore O tla ntumelela go ineela nnamong go Yena, go fihla ke sa tsebe se

ke bego ke se bolela. Gomme nkabe ke se ka bolela seo, bakeng sa lefeela ka lefaseng, eupša O se boletše.

⁴⁵ Hattie a dutšego morago fale, mohumagadi. Letšatši le lengwe, ge bodiredi bjo boswa bjo, bjo ke tshepago bo tla tla ka gare mosong wo. Gomme lena bohole le kwele ka bjona. Gomme ge re be re dutše . . . Gomme go ne bonnyane seswai goba lesome, thwi fa bjale, ba be ba dutše ba le gona ka nako yeo. Gomme ge Moya wo Mokgethwa o retologetše go mosadi yola le go mmotša go kgopela e ka ba eng a e ratilego, gomme e be e tla fiwa go yena. Le nagana nkabe ke boletše seo? Ge nkabe ke kgonne, ke be ke tla e bolela gonabjale. Eupša ga se ke kgone go bolela seo. Gomme ke rorometše, ke be ke fokola kudu. Ngwanešu Banks Wood, a eme fale, o be a dutše kgauswi le nna. Gomme mphufutšo wa kitima go tšwa diatleng tša ka, gomme ke be ke fokola kudu go fihla ke emelela gomme ka tšwa ntlong. Go be go ntšhoša gampe kudu. Eupša mosadi o kgopetše bakeng sa se sengwe sa dilo tše kgolokgolo tšeoe ka ba mang a ka di kgopelago, le go di amogela. Le a bona, yoo e be e le Modimo. Yoo e be e se motho. Batho ga ba kgone go dira dilo tšeoe.

Jesu o rile go mohlare, “Ga go motho a jago go tšwa go wena.”

⁴⁶ Gomme barutiwa, letšatši la go latela . . . Ka pela bjang, e thomile go šoma thwi nako yeo. Letšatši la go latela, o be o thomile go pona. Gomme ba rile, “Bonang ka fao mohlare o lego ka pela.”

⁴⁷ Gomme O rile, “Ebang le tumelo ka go Modimo. Gobane ruri Ke re go lena, ge le . . .” E sego ge “Nna,” eupša ge “lena.” “Mang kapa mang a ka rego go thaba ye, ‘Šuthišwa,’ gomme a se belaele, eupša a dumela se a se boletšego se tla direga, o ka ba le se o se boletšego.”

⁴⁸ Yoo ke Modimo ka go wena. Le a bona? Ke mang a ka kgonago go šuthišwa thaba eupša Modimo? Ke mang a ka kgonago go tliša dilo go phethega ka mokgwa woo eupša Modimo? Kafao, le a bona, ka godimo ga ngangišano e ka ba efe, Modimo o ka go batho ba Gagwe. Gona re swanetše go hlomphana seng. Re swanetše go ratana seng. Ka godimo ga dišitiši tša rena tša kerekeleina, re swanetše go ratana seng sa rena, go le bjalo. Ga go kgathale ge re sa kgone go dumeliana.

⁴⁹ Mohlomongwe, baapostola, ga se ba kgona go dumeliana. Ba nyakile go tseba ke mang a bego a eya go ba yo mogologolo, le dilo tše dintši. Johane Mareka, le—le Paulo, fao, ba bile le . . . Gomme Petro le Paulo ba bile le go se dumeliana. Eupša, ditlemo tša lerato, seo ke se re lekago go se hlabanelo lehono, gore yohle Methodist, Baptist, Presbyterian, Lutheran, eng kapa eng e lego yona, bohole re mmogo, bjalo ka ngatana ya Bokriste. Bjale re leka go tlatšwa ka Moya, go sepelela godimo kgaušwana le Modimo. Yeo ke pono.

⁵⁰ Bjale a le swere Jesaya 1? A re thomeng ka temana ya 14. Gomme ke ya go tsea sehlogo, Morena ge a rata, go tšwa go temana ya 18, go goga kgwekgwe ya ka.

*Dikgwedi tša lena tše mpsha le mekete ya lena ye e
beilwego soulo ya ka e di hloile: ke tšona bothata go nna;
Ke lapile go di kgotlelela.*

*Gomme ge le phurulla diatla tša lena, Ke tla uta mahlo
a ka go tloga go lena: ya, ge le dira dithapelo e ka ba dife,
Nka se kwe: diatla tša lena di tletše madi.*

*Hlatswang, go le dira le hlweke; tlošang bobe, bobe bja
ditiro tša lena go tloga pele ga mahlo a ka; kgaotšang go
dira bobe;*

*Ithuteng go dira go loka; nyakang moahlolelo,
imollang bagatelelwa, ahlolelang ba go hloka botate,
phophothelang bahlologadi.*

*Etlang bjale, gomme a re sekisaneng mmogo, go rialo
MORENA: le ge dibe tša lena di le tše khubedu, di tla ba...
tše tšhweu wa leswele; le ge e le tše khubedu bjalo ka
madi, di tla ba bjalo ka wulu.*

Ge le rata le go obamela, le tla ja botse bja naga:

*Eupša ge le gana le go ngangabala, le tla be le metšwa
ke tšhoša: ka gore molomo wa MORENA o e boletše.*

⁵¹ Le a tseba, moragonyana, re kwele bontši kudu ka ga dikhonferense, batho ba etla mmogo. Seo ke se Modimo a bolelago ka sona fa, khonferense le batho ba Gagwe. “Etlang, gomme a re faneng mabaka mmogo.” Seo ke se re bego re se dira matšatši a se makae a go feta. Gomme bontši kudu bja setšhaba ke, gomme ditaba tša setšhaba lehono, di theilwe godimo ga dikhonferense.

⁵² Fa nako ye nngwe ya go feta, ke kgona go e elelwa gabonolo, gomme bontši bja batho ba kgona go elelwa, Khonferense ya Ba Bagolo Ba Bane. Ba tlišitše baetapele ba bane ba bagolo ba lefase mmogo, ba lefase la go rata khutšo, gomme ba bile le khonferense. Gomme ka go khonferense ye ba lekile go tsea sephetho se se tla bago kaonekaone go dira.

⁵³ Gomme ka gona re bile le Khonferense ya Geneva kgaußwana, moo, ka Geneva, batho ba go rata khutšo ba lefase ba kgobokana ka bobona mmogo, go botšiša ka ga, le go rerisana seng sa bona, ka khutšo ya lefase. yeo e be e bitšwa Khonferense ya Geneva.

⁵⁴ Ka gona, ge ke sa phoše, ba bile le—le Khonferense ya Paris, mo bjale, nako ye nngwe ya go feta. Gomme bohole ba kopane ka Paris, go ahlaahla mathata, le go leka go tliša khutšo.

⁵⁵ Gomme bjale Mopresidente wa rena wa go ratega, Dwight Eisenhower, o etela lefase la go lokologa. Maphephe a tletše

ka yona. Gomme seyalemoya, ka ga Mna. Eisenhower a bolela le batho ba go lokologa ba lefase, khonferense ka morago ga khonferense, o leka go—go fihla go yona. Gomme . . . Ba a bolela, ka maphepheng, ka ga ka fao a—a amogelegago ka mafelong a mantši bjalo, le ka fao ba opelago pina ya Amerika, goba go phakgamiša folaga, goba go phagamiša folaga, a ke re, godimo, ge a etla. Gomme—gomme ba go fapania ba mo fa dimpho, le go ya pele. Ke batho ba e lego ditšhaba tša go rata khutšo.

⁵⁶ Gomme ke nagana gore re swanetše go rapelela Mna. Eisenhower, ge ba Bea pele matsapa a bona ohle, go leka go boloka naga ye moo re ka bago le dikopano boka tše, go lokologa.

⁵⁷ Amerika, ka go sebe sohle sa yona le bothata bjohle bja yona, e sa le bokaonekaone lefase le nago nabjo. Ke dumela seo. Gomme Modimo a e thuše go ba, gomme ka mehla re dula ka tsela yeo, ka gore re na le dikokwane tša go ratega. Gore, lefase le la kgale le hlapišitšwe ka mading, go boloka dikokwane tše.

⁵⁸ Ka fao ke nagana gore re swanetše go rapela, nako ka moka, gore Modimo o tla ba le Mna. Eisenhower, a tšofetše gomme pholo ya gagwe e se ya loka kudu. Gomme—gomme monna ka go boemo bja gagwe bja leago, le go dira dipolelo, le go leka bokaonekaone bja gagwe. Le ge o ganetšana le yena, ka dipolitiking, mo rapelele bjale. Ke setšhaba sa geno se se lego kotsing.

⁵⁹ Dikhonferense di swarelwa eng? Lebaka la dikhonferense tše ke eng? Go swanetše go ba lebaka, goba ba ka se be le dikhonferense tše. Ba swanetše go tla go sephetho se se itšego sa se ba yago go se dira. Seo ke se khonferense e lego ya sona, ke go dira sephetho. Banna ka lefelong le tee, le lefelo le lengwe, le menagano ya go fapania, le dilo tše dinnyane di tsoga *fa*, le se sengwe godimo *fa*, le morago *fa*, gona ba swanetše go tla mmogo le go swara khonferense, gomme morago ba dira sephetho se ba yago go se dira ka yona. Gomme ke ka lebaka leo di swarwago.

⁶⁰ Gomme ka gona morago ga sephetho, goba khonferense e bewa, ba swanetše go ba le lefelo le le itšego go ba le khonferense ye. Gomme ge le ka hlokomela, gore, ka mehla ba leka go hwetša lefelo le lengwe leo le lego le lebotse. Ke bile ka Geneva, moo Khonferense ya Geneva e bego e le, ka Paris, le—le mafelo a go fapania moo dikhonferense di swaretšwego. Ke bile go wa U.N. moago. Gomme, oo, ke wo mobotse, gagolo ka Geneva. Gomme ka gona ka kua, ba . . . ke a dumela ba leka go hlaola mafelo gore kgogedi . . . Go na le se sengwe, seo, ge e le khutšo le—le kgogedi, e bonala e šoma godimo ga moya wa motho. Ke a dumela yeo ke therešo.

⁶¹ Makga a mantši, go nnamong, go namela thaba, go bogela go dikela ga letšatši goba . . . go no ntsikinya, gomme go lebega o ka re diphapano tšohle tša ka di rarologile. Lefelo, lefelo, lefelo le le hlaotšwego moo khonferense ye e swanetšego go

swarwa. Gomme ka gona fao go swanetše go ba diphetho tše di swanetšego go dirwa.

⁶² Gomme ka gona kgopolو ye nngwe ke nyakago le e hwetša, ke se, ka go khonferense, gore ga ba tsoge ba ba le khonferense ntłe le ge go na le tlhokego ya tlhokofalo. Ke ka go na—na nako ye boima, ge dikhonferense di swarwa.

⁶³ Mo nakong ya kopano ya Bagolo Ba Bane, e be e le khonferense ka gobane Ntwa yela ya Lefase ya II e be e nyakile go tšwa diatleng. Gomme ba ile ba swanela go tla mmogo le go bea leano lohle la bona mmogo, le go šoma se sengwe; Mna. Churchill, le Roosevelt, le ba bangwe. Go leka go bea bohlale bja bona mmogo, go e gobela, go hwetša se se lego kaonekaone, gobane e be e le nako ya tšhoganetšo. E be e le nako ge lefase ka moka la go lokologa le ka be le rathagantšwe. Gomme Hitler, lehono, a ka be a bile mmušanoši wa lefase, gona re ka be re se ne kopano ye lehono.

⁶⁴ Ke ka baka leo dikhonferense di swarwago, gomme le—le lebaka le ba di beago mafelong a go itlhaolwa, le—le lebaka leo ba swanetšego go ba le tšona. Gomme ge . . . Gomme re gapeletšwa go ya khonferenseng. Ke ka tsela yeo ba kopanago. Gomme tšona e bile dikhonferense tše kgolo. Ga go pelaelo ka monaganong wa ka, gomme nako e ka se ntumelele, segalontšu sa ka, go ya pele le go bolela ka dikhonferense tše dingwe tše kgolo tlase go kgabola lebaka, tše ke badilego ka tšona, ka matšatšing a Farao, le go ya pele. Eupša, dikhonferense tše kgolo tša tshepedišo ya lefase di swerwe.

⁶⁵ Gomme, gona, Modimo o swere dikhonferense tše dingwe tše kgolo. Go tlile nako, ka go ekonomi ye kgolo ya Modimo, moo go bego go swanetšego go ba khonferense e swerwe. Gomme ya mathomo yeo nka go e bitša, bakeng sa lefase le, e be e le ka serapeng sa Edene. Ge, Barongwa ba Modimo ba tlile Gae, ba lla, ba re, “Ngwana wa gago o wele. O dirile sebe, gomme o robile melao ya Gago.” Se sengwe se be se swanetše go dirwa. Sebopiwa sa Modimo se wele go tloga go mogau, gomme o be a swanetšwe ke karogano ya Gosafelego go tloga Bogoneng bja Modimo wa gagwe le Modiri wa gagwe.

⁶⁶ E be e le nako ya tšhoganetšo, ka gore Kgoši ya Legodimo o be a rile, “Letšatši le le jago fao, letšatši leo le a hwa.” Gomme go beeng tshepo ya Gagwe ka go morwa wa Gagwe, morwa wa Gagwe o robile taelo ya Gagwe. Go be go swanetše go ba se sengwe se dirwa. E be e le tlholo ya Gagwe. E be e le mošomo wa seatla sa Gagwe Mong. E be e le lerato la pelo ya Gagwe, apola ya leihlo la Gagwe. Se sengwe se swanetše go dirwa. Kafao go ile gwa swanela go ba khonferense e biditšwe.

⁶⁷ Modimo o hlaotše mohlare wo o itšego ka tšhemong ya Edene. Gomme ka morago ga ge A lahletše ntłe matlalo a dinku a kgale a madi ka go . . . ka morago ga dithokgwa, O biditše Adama le Efa,

gomme fao O dirile khonferense, go boledišana le go dira kalafi bakeng sa selo se sa go šiiša seo bana ba Gagwe ba se dirilego, khonferense ya Modimo.

⁶⁸ Gomme go bile le sephetho se dirilwe. Ka mehla, mo khonferenseng, go na le sephetho. Gomme Modimo o dirile sephetho, gore, ka gobane Efa o bile...ge A mo swere mo lefelong la bohlatse, ka gobane o tšere bophelo go tloga lefaseng, o tla swanela go tliša bophelo lefaseng. Gomme go Adama; le go sephente; gomme, ka nnete, yeo e lego hlogo ya morafe, moloko ohle ka tlase ga yona o wele le Adama.

⁶⁹ Ka gona nka kgona go bitša ka mogopolong wa ka, khonferense ye nngwe, ya moprofeta wa go tšhaba yo a fokotšego ka diphethong tša gagwe, gomme o naganne mošomo e be e le wo mogolo kudu. Gomme o be a tšhabile gomme a nyetše mosadimogatša, gomme a ya morago ka lešokeng, gomme a bile fao lebaka la mengwaga ye masomenne. Moprefeta, motlotšwa wa Modimo, ka thomo ye kgolo; go tswalwa lefaseng, moprofeta. Eupša, efela, ka go yona tšhošetšo ya phošo ya gagwe a bego a e dirile (go e tseela ka diatleng tša gagwe mong sebakeng sa go latela ditaelo tša Modimo, o bolaile monna), le ka go tšhošetšo le poifo ya Farao, o tšhabetše ka lešokeng, gomme fao, o bile, mengwaga ye masomenne.

⁷⁰ Gomme makgoba a Egepeta, mošomo e be e le wo mogolo kudu,mekokotlo ya bona e be e baba kudu, dipelo tša bona di be di robegile kudu, go fihla dillo tša bona di etla pele ga Modimo, go fihla A gapeletšwa go khonferense.

⁷¹ Go na le tsela ya go gapeletša khonferense. O ka kgona go e dira ka bophelong bja gago, makgaolakgang.

⁷² Merwalo ya batho, le dillo, e be e le tše kgolo kudu, go fihla Modimo a ile a swanela go gapeletšega go bitša khonferense. Ge Modimo a dira sephetho, go swanetše go ba ka tsela yeo. Kafao O be a šetše, pele ga motheo wa lefase, o be a beile monna godimo ga Puku ya Kwana ya Bophelo, bakeng sa morero wa go hlakodiša bona batho. Dilo tšohle di polanetšwe pele ke Modimo. Leina la monna yola e be e le Moshe, mohlanka wa Gagwe. Kafao, pele ga motheo wa lefase, Moshe o ile a kgethwa go hlokodiša batho.

Gomme Moshe o be a šitetše Modimo.

⁷³ Seo se swanetše go re fa boitshepo le tlhohleletšo. Rena ba re šitetšego Modimo, re sa ne dikholofelo. Re a Mo šitela, bjalo ka kereke. Re a Mo šitela, bjalo ka batho. Eupša a re bitšeng khonferense, re e boledišaneng le Yena, re bone se A tla re botšago, re bone sephetho se re tla se hwetšago.

⁷⁴ Gomme monna wa Modimo o paletšwe, gomme Modimo o ile a swanelwa ke go bitša khonferense. O be a ka se kgone go šomiša yo mongwe gape. O be a hlaotše Moshe. Kafao o ya tlase ka lešokeng, felotsoko ka morago ga leganata, kgauswi le Sinai. Gomme O hlaotše ntlhora ya thaba, le sethokgwa, lefelo le le

itšego. O naganne, “Ke tla tliša Moshe godimo fa. Le e tla ba lefelo le lebotse, kgole go tloga go dinku tša gagwe, kgole go tloga go mosadimogatša wa gagwe, kgole go tloga go bana ba gagwe, kgole go tloga go batho bohle. Gomme ke tla bitša khonferense le yena.”

⁷⁵ Fao, ge A boletše le moprofeta, mafelelong ba fihlile ka tabeng. “Ke kwele dillo tša batho ba Ka. Ke ka baka leo Ke go biditšego, Moshe. Ke kwele dillo tša batho ba Ka tlase fale, gomme Ke elelwa gore Ke dirile tshepišo yeo Ke swanetšego go e boloka. Bjale Ke go roma tlase kua.”

⁷⁶ Moshe o bile le mantšu a gagwe—a gagwe morago le Modimo. O be a le monna. O rile, “Eupša ke nna mang? Ga—ga ke kgone go bolela.”

⁷⁷ Gomme ka gona ka go khonferense ye—ye, Modimo o rile go Moshe, “Ke mang a dirilego molomo wa motho? Ke mang a dirilego motho go bolela? Ke mang a dirilego difoa? Ke mang a dirilego dimuma?”

Gomme Moshe o sa ngongoregile. O be a nyaka go bona letago la Modimo.

⁷⁸ Gomme O rile, “Moshe, ge o nyaka go tseba Ke nna Mang, Ke nna Modimo modiramehlolo. Lahlela lepara la gago fase mobung.” Gomme la fetoga sephente. Ka gona O rile, “Tsenya seatla sa gago ka lehwafeng la gago.” Gomme a le gogela ntłe, gomme e be e le lephera. Gomme ge a le beile morago gape gomme a le gogela ntłe, le ile la fodišwa. O rile, “O a tseba Ke nna Mang, Moshe? Ke nna Modimo yo a dirago mehlolo. Ke nna Modimo yo a fodišago balwetši le batlaišwa. Ke nna Jehofa Modimo.”

⁷⁹ Moshe o rile, “Ke bona letago la Gago. Selo se tee gape ke nyakago go se tseba, pele khonferense ye e tswalelw. Ke tla botša Farao ke Mang a nthomilego?”

O rile, “Mmotše gore ‘KE NNA’ o nthomile.”

⁸⁰ E sego “Ke be ke le,” goba “Ke tla ba.” Eupša, go ba gona go ya go ile, “Wa go swana maabane, lehono, le go ya go ile.” “KE NNA,” NNA ke lebaka la bjale, bjale. Go tšea bokamoso, la bjale, le—le lebaka le le fetilego, “KE NNA.”

“KE NNA o go romile.”

⁸¹ Moshe o amogetše ditaelo tša gagwe gomme o ile tlase Egepeta. Go tšwela ntłe, go tliša bana, fao gwa tla nako, ka gona, ge ba be ba beilwe sekhutlwaneng. Batho, batho ba biletšwa ntłe, batho ba ba aroganego go tloga go lefase ka moka! Israele e be e le batho ba Modimo, ge feela ba le ka Egepeta. Ge gatee go tšwa Egepeta, ba be ba le kereke ya Modimo. Lentšu “go bileditšwe ntłe,” goba, *kereke* e ra “go biletšwa ntłe.” Kafao ba be ba bileditšwe ntłe go tšwa go lefase ka moka, gomme ke bona kereke.

⁸² Seo ke se e lego sona mosong wo, bao ba bileditšwego ka ntle ga lefase, ga go kgathale ke leswao lefe ba nago le lona go bona. Ge ba bileditšwe ntla, ba aroganyeditšwe go Modimo, gomme ke maloko a Kereke ya Gagwe ye kgolo.

⁸³ Kafao batho ba ba be ba ikarogantše bonabeng, ka go neela madi a kwana, gomme ka go bea godimo ma—ma madi, godimo ga lentlele la mojako. Gomme ao a be a bewa godimo ka hisopo.

⁸⁴ Lebelelang. Ke nyaka le hlokomele se sengwe mo. Se ratha kudu. Moshe o laetše gore ba tsee hisopo, gomme ba e inele ka mading a kwana, gomme ba a tšhatšhe godimo ga mojako. Madi, ka nnete, a emetše Madi a Kriste. Hisopo e be e le bjang bja tlwaelo. O be o kgona go bo hwetša kae kapa kae, go no topa ngwang wa go tlala seatla.

⁸⁵ Go bontšha gore Madi a bonolo kudu go tlotšwa. Ngwang o be o emela tumelo, feela tumelo ka go Modimo. Ga wa swanela go ya felotsoko gape. E no tsea tumelo ya Modimo gomme o tlotše Madi go pelo ya gago. O re, “Ke arogane go tloga go dilo tša lefase, ka gore, ka tumelo, ke diriša Madi go taba ya ka mosong wo. Ke tla fodišwa, gobane ke diriša Madi godimo ga lentlele ya pelo ya ka. Nka se tsoge ka dumelela pelaelo go ntia gape, gobane ke tla itšhireletša nnamong ka go bea Madi a Jesu, ka tumelo (hisopo ya ka), godimo ga mojako wa ka. Gomme ga go lenaba le tla tsenago ka gare. Nka se tsoge ka se dumele Lentšu la Modimo gape.” Ke ka fao go lego bonolo.

⁸⁶ Ba be ba le matšeng wa bona, ka morago ga go aroganywa, gomme batho babilətšwantle. Gomme ba tla go Lewatle le Lehbedu. Gomme ba ile ba swanela go bitša go ema. Ba be ba sa kgone go tshelela mošola. Mogenerala yo mogolo, Joshua, o ile a swanelwa ke go emiša seatla sa gagwe gomme a kwagatša phalafala, go, “Emang! Tlogelang go matša! Fao go na le sešitiši pele ga rena. Re na le dithaba ka lehlakoreng le lengwe le le lengwe. Re tlase fa ka moeding, gomme re swanetše go ema.”

⁸⁷ Gomme ge Kereke yela e ka tsoge ya ema, ke ge Sathane a tsea taolo. O swanetše go sepela, kgafetšakgafetša le ka pela, go matšha go leba Tsione. O se dumelele Kereke ya Modimo wa go phela go tsoge ba ba le molato wa go ema.

⁸⁸ Kafao ba eme, gomme ba rile, “Bothata ke eng fa?” Gomme ka pela ge ba eme le go hloma ditente tša bona, le go thoma go khutša lebakana, ba kwele modumo wa mabili. Gomme tsela e nnoši ya go phonyokga ba bilego le yona e be e le morago. Gomme mo go tla madira a Farao, a sepelela ka gare go thibela, goba kanala go kgabaganya.

⁸⁹ Lena masole, le tseba leano, ka fao ba ba tswaletšego. Go be go le Lewatle le Lehbedu pele ga bona, mohlomongwe dimaele tše pedi goba tše tharo go le putla. Fa go be go le dithaba tša godimo; ba be ba ka se kgone go di namela. Ba be ba tla ba bjalo ka dinku, di šwalalane ntla kua, senepša sa monna yo mongwe le

yo mongwe wa bora. Gomme ka morago ga bona, gobane ba be ba eme, go tla lenaba.

⁹⁰ Go bontšha se, bagwera, ebole ka mmatšheng lehono go leba Nageng ya tshepišo, lenaba le no ba motabogo goba ye mabedi ka morago ga rena. Re ka se kgone go ema go tsošeletšo ye. Ye e ka se kgone go be e bitša go ema. E no tšwelangpele le eya pele. Eyang pele. Le bile le Bogona bja Moya wo Mokgethwala le lena, bošegong bjola pele ga bja go feta, le bošego bja go feta. Bjale kgafetšakgafetša sepelelang pele ka go Woo. Le se bitše go ema, gobane lenaba le kgauswi ka morago ga lena.

⁹¹ Gomme ka pela ge go ema go bitšwa, gomme madira a Faraoa bonwe, a etla bokgole; go—go rora ga mibili a dikoloi, le lerole le fofa, le go goeletša ga mašole. A nako! E kitimišeditše batho gabotse ka tlalelong.

⁹² Eupša fao go be go le yo motee, magareng ga bona, yo a bego a tseba gore fao go be go se lebaka la go hlobaela. O be a bile le dikhonferense pele. O tsebile se go se tšerego go swara Modimo. Kafao godimo, re tla re, godimo mo thabeng, go leswika le le itšego, Moshe o ikutile yenamong go tloga go bana ka moka ba Israele, gomme fao o swere khonferense. “Morena, ke matšheditše go lefelo le, eupša sešitiši se re emišitše. Re swanetše go bitša go ema.”

⁹³ Boka ngwanešu wa rena fa ka go setulo sa bagolofadi. Go swana le mohlomongwe o dutše fao ka kankere, goba ka bothata bja pelo, goba se sengwe seo o tsebago o no ya go hwa gonabjale. Lenaba le go emišitše. O go tlišitše go go ema. Mohlomongwe o tla go go ema pele lenaba le go feta ka lebelo. Mohlomongwe go na le se sengwe ka bophelong bja gago, seo se go dirilego go ema. E ka ba eng e lego, o sa ne monyetla wa khonferense. A re e boledišaneng le Yena. A re direng se sengwe ka yona. Ga go kgathale lenaba ke eng, ga se a ke a ba yo mogolo kudu go Modimo wa rena. Re hloka khonferense.

⁹⁴ Kafao Moshe o ile godimo, ka morago ga lefelo le le itšego, re tla re, gomme o swere khonferense le Modimo. O be a sa tsebe a dire eng.

⁹⁵ Mohlomongwe ga o tsebe o dire eng. Mohlomongwe o modiradibe, gomme o dirile sebe se sentši bjalo. Mohlomongwe o kgogile go fihla o sa kgone go kgoga gape, gomme o ka se kgone go go tlogela. Mohlomongwe o nwele go fihla o sa kgone go nwa gape, gomme o ka se kgone go go tlogela. Mohlomongwe o tlile lefelong moo o tletšego sebe le kganyogo, go fihla o swanetše go lebelela godimo ga mosadi yo mongwe le yo mongwe o mmonago, ka phošo. Goba, mohlomongwe ebole o fapošitše methopo ya gago mong ya tlhago. Mohlomongwe o tlile polokong. Ga ke kgathale moo o lego, Modimo o sa le komana go tla go wena, ka khonferenseng, le go e boledišana le wena. Mohlomongwe o thubile legae la gago. Mohlomongwe o tlogetše monnamogatša

wa gago, goba o tlogetše mosadimogatša wa gago. Mohlomongwe o tšhabetše bana ba gago. Go ka no ba dilo tše dintši ka bophelong bjo, tše lenaba le go tantšego ka go tšona, eupša, elelwa, ngwanešu wa ka, kgaetšedi, o sa na le ditokelo go ba le khonferense le Modimo. Ee, mohlomphegi. E boledišaneng le Yena. “Yena ke yona thušo ye e lego gona ka nako ya bothata.”

⁹⁶ Gona re bona gore Moshe o bile le khonferense. Gomme mohlomongwe ye e be e le khonferense, “O Moetapele yo mogolo wa Israele, ke dirile tšohle tše ka taelo ya Gago. Ke—ke etilepele batho ba feela bjalo ka ge O mpoditše go e dira. Ke khupeditše batho ka madi. Ke tlišitše dikotlo go tšwa legodimong. Ke dirile se sengwe le se sengwe seo O mpoditšego go se dira. Gomme ke rena ba, re tantšwe. Ke swanetše go dira eng, Morena? Ke swanetše go ba le khonferense ye le Wena.” Gomme mohlomongwe o dutše ka godimo ga leswika, goba o eme kgauswi, ka mphatšeng wa leswika, moo Moshe a bego a rapela ka go le le itšego le, lefelo le le hlaotšwego, ka go nakwana ye ya tšhoganetšo.

⁹⁷ Se sengwe se be se swanetše go dirwa, goba ba be ba tla pšhatlaganywa ka tlase ga mabili a dikoloi. Ba tla kgoromeletšwa go kgabola, bana ba bangwe le ba bangwe ba bannyane ba Bahebere. Yo mongwe le yo mongwe wa masea a mannyane o be a tla be a phatlogile, dihlogo tša bona godimo ga leswika. Gomme bomme ba bona ba be ba tla ripša go bulega, gomme ba bona . . . le go katwa, gomme botatabo—ba bona ba be ba tla gagarwa. Go bile le nakwana ye bohlokwa kudu.

⁹⁸ Go ka no ba mohuta wola wa go swana wa nakwana ye bohlokwa kudu, mohlomongwe e sego ka tsela yeo, eupša mohlomongwe kankere e go swere. Mohlomongwe bolwetsi bjo bongwe. Mohlomongwe sebe se go swere. Gomme se ya go go šilaganya thwi tlase ka go hele ya diabolo, karogano go tloga go Modimo. Swara khonferense, ka pela.

⁹⁹ Gomme ge khonferense ye e swerwe, Modimo o eme leswikeng, ka lehlakoreng la Moshe. Gomme O rile, “Eya morago tlase ka kampeng, Moshe. Eya thwi morago mo o thomilego. Ke nna Modimo. Eya tlase kua gomme o bolele le batho, go ya pele. Ke tla dira tsela ge go etla nako go dira tsela. Ke nna Modimo wa go dira tsela.”

¹⁰⁰ Moshe, ka morago ga ge khonferense e fedile, gomme o phatlaladitšwe go tloga Bogoneng bja Modimo, ka taelo go ya pele, o sepeletše tlase gomme o rile, “Se boife, Israele. Šišimala, letšatšing le, gomme o bone Maatla a Modimo wa rena. Eya go leba lewatle. O se šuthe go tloga go taelo. Taelo ke, ‘Eya pele!’ Naga ya tshepišo ke ya rena. Lenaba le le ka tseleng ya rena, le re ripile. Eupša Modimo o rile, ‘Eya pele!’ Tšwelapele o sepela.”

¹⁰¹ Seo ke se e lego bothata ka kereke lehono. Modimo o a go bitša, gomme O nyaka go go fa mpho ka morago ga mpho, le

maatla ka morago ga maatla, le mogau ka morago ga mogau. Eupša o a ikgatlofatša wenamong, gona, "Nka se kgone go ya pele go itšego, gobane kereke e ka se ntumelele." Le a bona? Ga go lefelo la go ema ka go Modimo, ga go lefelo la kerekela. Ga go lefelo le rilego la meelo e ka ba ofe. Selo sa yona ke, ke go ya pele. Bolela Lentšu la Modimo gomme o ye pele. E no tšwelapele o eya. Tšwelapele o sepela. Modimo o re ke therešo, ke therešo. O na le thomo ya gago.

¹⁰² Ge ba re, "Gabotse, ke ile kerekeng ya ka, gomme ba mpoditše ke be ke se ka swanela go ya godimo tabarenekeleng yela. Ke hlakahlakane gohole bjale, ka ge eba ke swanetše go ba le Moya wo Mokgethwa, goba aowa."

¹⁰³ Tshepišo ke ya gago. "Ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlago go ba bitša."

¹⁰⁴ Eng? Bolela Lentšu la Modimo. Modimo o boletše bjalo. Eya pele. Šetša lenaba le šwalalana. Šetša Lewatle le Lehubedu le bulega. Eba le khonferense. Eya pele. Kgonthe, le tla bulega. Modimo ke tsela ya go phonyokga. O dirile tsela, thwi go otlologa go ya nageng ya tshepišo. E ka ba eng e tsenego tseleng ya Gagwe, O e tlošitše tseleng. Ge e ka ba eng e tsena tseleng ya gago, gona e ba le khonferense le Modimo. E boledišane le Yena, gomme o ye pele.

¹⁰⁵ Seo ke se Modimo a se boleLAGO go Jesaya mo. "Oo, o modiradibe. Dibe tša gago di boka letsoku. Gobaneng o sa tle gomme ra fana mabaka mmogo? Gobaneng o sa tle le go e boledišana le Nna? Mogau wa Ka o lekanetše."

Khonferense ya Lewatle le Lehubedu.

¹⁰⁶ Mengwaga ye mentši ya go feta go bile le khonferense ye nngwe, ke tla rata go bolela feela nakwana ka yona. Yeo e be e le sehla sa Moketeko seo bjale re tsenago, ge eba go tla ba le Krisemose, goba aowa. Eupša go bile le khonferense e dirilwe ka Legodimong, se polane ye ya topollo e tla bago. Gomme go ile gwa tšewa sephetho ke Modimo, gore O be a tla ba Motho, gore O be a tla tla fase le go tšea thogako ya Gagwe Mong godimo ga Gagwemong. Go ka se be botse go Yena go romela Morongwa. Go ka se be botse go Yena go romela motho e ka ba ofe yo mongwe. Le ge A be a na le mošemane, go be go ka se be botse go Yena go romela mošemane wa Gagwe.

¹⁰⁷ Go ka se be botse go nna go dira Joseph a tlaišege bakeng sa dilo tša kahlolo ya ka. Nka se be toka, go direng bjalo. Ge ke fetišitše kahlolo ya ka, ke nyaka go e lopolla, selo se nnoši nka kgonago go se dira ke go tlaišege bakeng sa yona, nnamong.

Leo ke leswao. Seo ke go kakalatša ga lehu go Sathane.

¹⁰⁸ Bjale, ngwanešu wa ka wa Katoliki, gomme gape le ba bantši ba Maprotestant a ka, ga ke le gobatše. Eupša ge o leka go dira

Jesu Modimo yo monnyane go feta Modimo, go Mo dira Modimo yo monnyane, o ripa maoto a Gagwe, wa Mo tliša fase feela gannyane nthatana ka tlase ga hlogo ya Modimo le go Mo dira Modimo yo monnyane. O phošo kudu.

¹⁰⁹ Jesu e be e le Motho. O ipiditše ka Boyena Morwa wa motho. E be e le mohlatloša wa lehu go diabolo.

¹¹⁰ Diabolo o godimo, o ikagetše yenamong mmušo wo mobotse kudu go feta wa Mikaele. Kaine, morwa wa gagwe, o nyakile go dira aletara ye botse, yohle go tšwa go dikenya le dilo. Modimo ga a dule ka go mohuta woo wa botse.

¹¹¹ Eupša, Modimo, go ratha mohlatloša wa lehu go sebe, lebelela ka fao A tlago. O kgethile bjang go tla? Go be go le khonferense ka Legodimong. “O ya tlase bjang? O ya go e dira bjang, Tate,” go boletše Barongwa.

¹¹² “Ke ya go ba yo mongwe wa bona. Molao wa ka wa topollo, ke, ‘Wa leloko wa kgauswi.’ Gomme ke tla swanelo go ba Motho, Nnamong.” Yeo ke go ratha go ketotšego Sathane. O tswetšwe! A ka be a tlie tlase ka Bakerubi. A ka be a tlie go theoga matrapo a gauta. Go ka be go bile le dikosa di opetšwe go kgabola magodimo, gomme A ka be a kgonne go sepela go ya lefaseng, le go raka se sengwe le se sengwe. Eupša ge A swere khonferense, O tšere sephetho go tla bjalo ka Lesea.

¹¹³ Ka go Jesaya 9:6, re a e hwetša. “Re tswaletšwe Ngwana, Morwa o filwe; gomme mmušo o tla ba godimo ga magetla a Gagwe; gomme Leina la Gagwe le tla bitšwa Moeletši, Mokgoma wa Khutšo, Modimo yo maatla, Tate wa gosafelego. Gomme pušo ya Gagwe go ka se be le bofelo.”

“Le e tla ba leswao go lena, Lesea,” e sego Modimo, “Lesea.”

¹¹⁴ Lebelelang moo A tswaletšwego. Go be go swanetše go tšewa sephetho, ka khonferenseng, moo A tswalwago, go e dira nnete O be a le Motho. O tswetšwe ka setaleng. O kgethile, sebakeng sa ma—ma majabajaba a mohlapetši wa paleisi go Mo tliša, sebakeng sa go farafarwa ke Morongwa, sebakeng sa Bakerubi ba go pshikologa, ka—ka mabothakga a Legodimo, O ile a itsenya ka Boyena, a ipea ka Boyena ka setaleng, godimo ga manyora a diphoofolo, lerole le tšhila ya lefase. O be a le Motho. O be a se Modimo yo monnyane. O be a le Motho. Go tswalwa boka re le, ka tlhagaraga ya tswalo, go tšwa popelong ya mosadi. E sego Modimo; Motho! O be a se selo, gomme, ga go makatše, leswao le legologolo.

¹¹⁵ Le a bona ka dikopanong, leswao la tlhatho, Bogona bja Modimo yo a phelago. Le bona maswao mogohle, a Gagwe. Eupša a nke ke bolele se go wena, ngwanešu wa ka, kgaetšedi wa ka. Ga se gwa ke gwa ba leswao, la go ratha kudu, bjalo ka leswao le Barongwa ba boditšego modiši, “O tla Mo hwetša ka setaleng, a phuthetšwe ka lešela la joko.” O ka kgonna go bona se Modimo a lego sona. Seo ke se. Se a ntloba, lehono.

¹¹⁶ Gobaneng go le tsošeletšo e ka kgona go tla toropong, ya moebangedi tsoko yo mogolo wa go tsebega, le go ya godimo-le-godimo mo gogolo, ratoropo wa toropokgolo, le bohole ba godimo-le-godimo, goba ba apere bokaone, gomme bahloki ba mohuta wa go lebelelwa fase? Gomme o bolela ka modiredi tsoko yo a nago le thuto tsoko ye kgolo, gore o kgona go bolela mantšu a go ela kudu ao a no go tsikinya kwešišo ya gago, ka mantšu a magolo ao badiidi ba sego ba ke ba a kwešiša, gomme ka moka le bitša a magolo ao.

¹¹⁷ A ga le bone gore Modimo o ka boikokobetšong? “Le e tla ba leswao. Lesea le tla phuthelwa ka lešela la joko, le go robatšwa ka legopong, godimo ga manyora a dikgomo le dinku.” Oo, nna! Leo ke leswao. “Le e tla ba leswao go lena. Le tla hwetša Lesea fao.”

¹¹⁸ Makga a mantši, batho ba nagana, “Ka go ye nnyane, tabarenekele ya kgale ya go kgeiga, bareri ba bangwe bao ba sa tsebego diABC tša bona, dinokwane le digatamorokwana, le se sengwe le se sengwe gape, ba sokologile, ga go thuto, gomme ba šomiša ditlhagišo tša bona tša borwa bjalo ka tša gagwe, ‘ga go bjalo,’ le ‘go rwala,’ le ‘go tšea,’ le ‘go tšea,’ o ka se tsoge wa hwetša Modimo fao.”

¹¹⁹ Eupša fao ke mo o Mo hwetšago, a phuthetšwe ka lešela la joko, boikokobetšo. O nagana gore e tla ka tsela ye nngwe ye kgolo. Ge o nyaka go swara khonferense ya kgonthe ya gago le Modimo, hwetša sehlopha sa batho boka seo, gona e bolele e fele. O ka kgona go bona mošomo wa Modimo, ka fao A sego a tšea mmetli yo mongwe, motaki yo mogolo le selo se sengwe, le go mo fa polelo ya bohlale. Eupša O tšere se sengwe seo e bego e se selo, a tla fase feela boka A dirilefelong la pele.

¹²⁰ Yo mongwe o rile, e sego telele go fetile, “Ge tlhatho ye le phodišo ye, le go ya pele, e be e le ya Modimo, tatelano ya boetapele ya Katoliki e tla ba le yona.”

¹²¹ Gobaneng tatelano ya boetapele ya Bajuda e se ya ba le yona? E be e se ya tswalwa ka paleising. E tswaletšwe ka setaleng. O be a se na le diaparo tša mošomo wa nalete go di apara, eupša mankgeretla go tšwa ka morago ga joko ya pholo. A robetše godimo ga mokgobo wa manyora; Morwa wa Modimo, tabarenekele ye Modimo a phetšego ka go yona. Ke ka mokgwa wo A tšerego sephetho go tla. Gomme re swanetše go ba le dikholoro tše di retolotšwego go dikologa le dijase tša mosela, le tše kgolo, tše kaone dikereke le ditepisi tša gauta. “Le e tla ba leswao. O tla Mo hwetša ka lešeleng la joko, a phuthetšwe ka lešela la joko, le go robatšwa ka legopong. Šeleo leswao la lena.”

¹²² Modimo o dula ka boikokobetšong; e sego ka boikgantšhong, yeo ka mehla e bilego kgopolu ya diabolo. Modimo o tla ka boikokobetšong. “Leo e tla ba leswao.” E sego Modimo yo monnyane, eupša Motho. Motho! O llile boka lesea, ge A be a le Lesea. O bapetše mekgotheng, boka mošemane, ge A be a le

Mošemane. O šomile ka lebenkeleng la mmetli le Josefa, bjalo ka Motho mošomong. O jele ge A be a swerwe ke tlala. O ile a fufulelwa ge A be a fiša. O llile ge A be a le bohloko. O be a le Motho.

¹²³ “Le e tla ba leswao go wena. Modimo o tla dula le wena, ka go kokobela . . .” E sego yo mogolo, motho yo mogolo wa godimo, eupša yo monnyane, Motho wa fase a se ne bokamorago. Leswao! Woo ke mohlahloša wa lehu go diabolo, thwi fao. Woo ke mohlatloša wa lehu go kerekeleina ye nngwe le ye nngwe le matsaka, le ohle matsaka le letago la lefase le. Ke mohlatloša wa lehu, seo Modimo wa Legodimo a se kgethilego go tla ka tsela yeo.

¹²⁴ Seo ke se se diregilego ka khonferenseng. Go be go swanetše go tšewa sephetho. Yeo ke tsela ye A kgethilego go tla. O be a se a swanela go tla ka tsela yeo. O be a le Modimo wa Legodimo, eupša O kgethile go tla bjalo ka Lesea. O kgethile go tla ka tsela yeo. Seo ke se se diregilego ka khonferenseng ya Legodimong.

¹²⁵ A nke ke no bitša ye nngwe, goba tše pedi, dikhonferense. A nke ke bitše ye. Go bile le nako . . . ka morago ga bophelo bjo bo phethagetšego bja mengwaga ye masometharo tharo le seripa e phetšwe. Motho yo a bego a nyaka go phela kudu ka fao ke nyakago go phela, bontši ka fao o nyakago go phela. Motho Yo a bilego le se sengwe go se phelela, baena ba A bego a ba rata, batho ba A bego a ba rata, go dikela ga letšatši mo A bego a rata go go bona. Elelwang, Jesu e be e le Motho. Modimo o be a le ka go Yena.

¹²⁶ Go tlie nako, moo Moya wo o bego o hlahla Kwana, Leeba, go ile gwa swanela go ba khonferense gare ga Kwana le Leeba, gomme Ba bopile lefelo go e bea.

¹²⁷ Ka morago ga selalelo bošego bjoo, ba kgabaganyeditše ka kua ga nokana ye nnyane, Kidrone, gomme, goba, felotsoko, gomme ba ya go kgabaganya noka, gomme ba ya ka serapeng se se bitšwago Getsemane. Ba ile ba swanela go ba le khonferense. Modimo le Kriste ba ile ba swanela go e boledišana. Kwana le Leeba di ile tša swanela go dula mmogo. E be e le Leeba le le bego le swanetše go bolela le Kwana, gomme e be e le lehu la Kwana.

¹²⁸ Bjale, ge Ba dutše hleng le leswika lela, gomme Barongwa bohole ba tla tlase go tšwa Legodimong, go theetša ka go khonferense ye. Oo! Go be go le Gabarie, Mikaele, Kgalako, bohole dikete tša bona, ba dutše go dikologa leswika.

¹²⁹ O rile go barutiwa ba Gagwe, ba lapile, ba bile le dikopano tše ntši tše kgolo, ba be ba lapile, mohlolmongwe boka o le mosong wo. Eupša O rile, “A le tla no etiša le Nna iri? Gobane Ke swanetše go ya mošola le go ba le khonferense. Ke swanetše go ya ke nnoši.” Gomme ge ba . . .

¹³⁰ Khonferense e be e beilwe. Gomme Kwana, yo moswa, bophelo bjo bobotse, ga se nke bophelo bja go swana le bjoo. Ga

se gwa ke gwa ba, go ka se tsoge gwa ba, bophelo bja go swana le bjo Kwana e bilego nabjo. Eupša bjale Tate o rile, “A O a rata? A lerato la Gago go baena ba Gago ke le legolo go lekanelo? A lerato la Gago go lela la sebe, lefase la go nkga le O tswetšwego ka go lona, a O ba rata go lekanelo go lahlegelwa ke bophelo bja Gago? A O ba rata go lekanelo go tšea lefelo la bona, go rwala dibe tša bona, go le lethatatathata, lehu le bohlokwa kudu?” Wena . . . Go be go ka se be le selo se hwago mohuta wola wa lehu eupša Yena.

¹³¹ Gomme ka go khonferense yeo, sephetho se sebjalo se dirilwe, go fihla Madi a rotha go tšwa go dintšhi tša Gagwe. O be a le ka tlase ga ngangege. Dibe tša lefase di be di le godimo ga Gagwe. Gomme ka gona A lebelela ka sefahlegong sa Leeba, gomme a re, “E sego thato ya Ka, eupša thato ya Gago e dirwe.”

¹³² Oo, a re ka ba le sephetho sela ka dipelong tša rena mosong wo? A o ka lahlegelwa ke bjola bjo bonnyane, bophelo bja ditšhila bja gago? A o ikemišeditše go lebelela ka sefahlegong sa Gagwe le go re, “E sego thato ya ka”? “Ke nna letagwa, eupša nka se sa nwa gape. Ke nna lekempolaru; nka se sa nwa gape. Ke nna moitshwarahlephi, eupša nka se sa ba ka tsela yeo gape. Ke nna moaketši, eupša ke tla a emiša lehono. Ke nna motho wa ditšhila. Eupša ka go khonferense ye, mosong wo, ke tla lebelela ka sefahlegong sa Gago, le go tšea, boka Mong wa ka Yo a nkhwetšego, go dira tsela ya ka gohlaka, ‘E sego thato ya ka; thato ya Gago.’ Ge go ntšea legae la ka. Ge go ntšea monnamogatša wa ka, mosadimogatša wa ka, tate wa ka, mme wa ka, kopanelo ya ka, boleloko bja kereke ya ka, e ka ba eng bo ntšeago. Ka go khonferense ye, mosong wo, ke re ke nyaka Moya wo Mokgethwa wa Gago go phela ka go nna. Ke kwele ka ga Wona. Ke nyaka Wena ka go nna. E sego sa ka, eupša sa Gago. Seo ke sephetho sa ka.” Modimo o biditše lefelo, e sego godimo ga le lengwe la godimo, lefelo la sehloa, eupša tabarenekele ye nnyane ya go kokobela e ka ba go wela ka gare. Re na le khonferense.

¹³³ A nke ke bolele ka khonferense e tee gape fa, feela nakwana. Ba bantsi ba ka rutwago. Go be go le khonferense ka morago ga lehu la Gagwe, poloko, le tsogo. Se sengwe se be se swanetše go dirwa. E be e le banna ba ba bego ba na le kgopolu ya bohlale, kafao go bile le ye nngwe khonferense ye kgolo e bewa. Re a e tseba, ka Beibeleng, bjalo ka Pentecost.

¹³⁴ Ba be ba swanetše go ba le khonferense. Gomme se sengwe se be se swanetše go dirwa, ka gore Jesu o rile, “Le se sa rera gape. Le se sa opela gape. Le se ye ntle le go direla gape. Eupša Ke nyaka khonferense le lena. Gomme ka go khonferense ye, Ke ya go tliša Moya wo Mokgethwa. Eupša eyang godimo toropongkgolo ya Jerusalema, gomme fao le lete go fihla Ke bowa morago. Ke swanetše go ya godimo Legodimong, go ba dira ba hlalale. Gomme Ke swanetše go ya godimo go te—te Terone ya Bogoši,” mmele, Jesu, “eupša Ke ya . . . Re ya go ba le khonferense godimo Kua. Gomme Modimo yo a dulago ka go Nna o tshepišitše

gore nka bowa morago gape, gomme Ke tla ba ka go lena; le lena, ka go lena, ebole go fihla bofelong bja phelelo, lefase. Go fihlela go fedile, Ke tla ba le lena. Gomme mediro yeo Ke e dirago le tla e dira le lena.”

¹³⁵ Kafao ba be ba sa tsebe ka fao ba ka tsogego ba dira se, kafao ba ile go Pentecost, gomme lekgolo le masomepedi ba ile ka kamoreng ya ka godingwana gomme ba tswalela mojako, gomme ba letile gomme ba letile.

¹³⁶ Bothata ka rena, ge re sa hwetše go—go theeletša le Modimo ka go e ka ba metsotso ye lesome, re lapile, matolo a rena a bohloko. Re nyaka go tloga. Ge A sa re arabe feela go ya ka se re se nyakago, ka tsela ye re naganago, re belekega ka Yena. “Oo, etlang, a re faneng mabaka mmogo.”

¹³⁷ “Eyang godimo go Pentecost, Ke nyaka go e fa mabaka le lena. E no yang godimo kua gomme le lete.”

¹³⁸ Matšatši a lesome, ba be ba dutše, ba eme, ba rapela, se sengwe le se sengwe, ba letetše tshepišo. “Gomme ka pelapela, dipolo tša khonferense ka Legodimong di tlile fase, Moya wo Mokgethwa, boka phefo ye maatla ya go kitima, gomme O tladište ntlo yohle moo ba bego ba dutše. Ba be ba tladišwe ka Moya wo Mokgethwa.” Gomme ba ile pele, ba rera Lentšu.

¹³⁹ Ge re na le dikhonferense tša lefase, ka mehla ba na le lefelo la bona le le hlaotšwego. Gomme ba dira eng ka khonferenseng ye? Ba nwa dino, dinotswakwa. Ba kgoga disikara le disekerete. Ba aketšana seng sa bona, le go forana seng sa bona, le dipolelo tša khutšo ya lefase.

¹⁴⁰ Eupša ge Modimo a bitša khonferense, ke go ikona, go hlwekiša, thapelo, go amogela ditaelo, le go ya pele. Yeo ke khonferense ya Modimo. E sego go keteka, eupša go ikona. E sego go ithabiša ka tšhila, eupša go aroganya, go itlhwekiša wenamong go tloga go goseloke gohle, ge o eya pele ga Modimo. O itlhwekiša ka bowena ka tumelo, ka go šomiša hisopo go ya Mading le go hlwekiša pelo ya gago, le go sepela pele ga Modimo, bakeng sa khonferense. Woo ke mohuta wa dikhonferense ge o kopana le Modimo, gona Modimo o go fa ditaelo. Ka gona o ya pele, O ya le wena.

¹⁴¹ Go na le dikhonferense tše ntši tše kgolo re ka naganago ka tšona. Eupša nako e ka se dumelele. Go bile le khonferense moragonyana.

¹⁴² Go bile le khonferense ka matšatšing a Martin Luther, ka go mpshafatšo. Modimo o biditše Martin Luther, go ya go rera tokafatšo, gomme o e dirile.

¹⁴³ Go bile khonferense e swerwe ka matšatšing a Wesley, ka Engelane, go rera tlhwekišo, gomme bjalo ka ge Wesley a pakile...

¹⁴⁴ Ke apere jase ya gagwe, jase ya mafelelo a bego a e apere, kobo. Ke eme ka phuluphitthing ya gagwe moo a rerilego go ya go makgolo a lesometlhano mosong wo mongwe le wo mongwe ka iri ya bohlano. Ke khunamile ka kamoreng le go leboga Modimo bakeng sa bophelo bja gagwe, yona kamora ye a hwilego ka go yona. Ka fale, Moya godimo ga ka, ke naganne, “Ee, Wesley o be a le therešo.”

¹⁴⁵ Barongwa ba Modimo ba bakgethwa, le Modimo, ba swere khonferense, gore e be e le nako go rera tlhwekišo, gomme ba hlaotše Wesley. Gomme o be a le therešo go yona.

¹⁴⁶ Morago go latela gwa tla Pentecostal. E be e le nako bakeng sa pušetšo ya Pentecostal. Go bile le khonferense e swerwe ka Legodimong. “A ke nako go tšollela bottlalo bja Moya?” Gomme O wele, gomme ba O rerile. Gomme re O hweditše, le go amogela Moya wo Mokgethwa.

¹⁴⁷ Bjale ke a dumela gore re ka go khonferense ye nngwe, yeo ke, go Tla ga Morwa wa Modimo. O rile go barutiwa ba Gagwe, “Nna ga ke tsebe motsotsa goba iri; ga go yo a tsebago, ebile ga go Barongwa. Eupša go tla ba le khonferense letšatši le lengwe,” ka mokgwa wo mongwe, “gomme Tate o tla tsea sephetho ka nakwana yeo gore Ke tla bowa morago.” Ke a dumela khonferense e ya pele. Diphetho di a dirwa.

¹⁴⁸ Moya wa Gagwe o tla lefaseng, o tiile kudu, go fihla O tla ema ka phuthegong, go hlaatha dikgopololo tša monagano. Bjalo ka ge Beibele e rile, “Lentšu la Modimo le a phela, le maatla kudu go feta tšoša ya magalemabedi, le phuleletša ebile go moko wa lerapo, le Mohlathi wa dikgopololo tša pelo.”

¹⁴⁹ Ge Filipi a etla gomme a sokologile, gomme o ile le go tsea Nathaniele, gomme Nathaniele o tlišitšwe, Mojuda, godimo pele ga Jesu. Gomme o be a mmotša ka Yena, a re, “Gabotse, Nathaniele, gobaneng, matšatši a se makae a go feta, motheadihlapi wa kgale wa go hloka tsebo o tliile go Yena, gomme O tsebile. O biditše leina la gagwe, o mmoditše o be a le mang. A ga le tsebe, gore Mesia yoo moprefeta wa rena a rilego o tla tla, a ga le lemoge gore Mesia yola o be a swanetše go ba moprefeta, Modimo Moprefeta? Yena šole. Yoo ke Yena.”

¹⁵⁰ Nathaniele o swanetše go be a rile, “Ga ke dumele seo. Ke tla iponela nnamong.” Eupša ge a sepeletše ka Bogoneng bja Jesu, Jesu o rile, “Bonang Moisraele yo ka go yena go sego bomenetša.”

¹⁵¹ Gomme ge A dirile seo, o rile, “O ntsebile neng, Rabí?”

¹⁵² O rile, “Pele Filipi a go bitša, ge o be o le ka tlase ga mohlare, Ke go bone.”

O rile, “Wena o Morwa wa Modimo. Wena o kgoši ya Israele.”

¹⁵³ Ge, mosadi wa Samaria, a na le banna ba bahlano, a tla go Yena. Gomme o rile . . . Ge a thomile go ga meetse a gagwe, o bone Mojuda yo, a dutše. O rile, “Ntlišetše seno.”

¹⁵⁴ Le a bona, O nyorilwe, go swana le Monna. O be a le Monna. Ka mmeleng wa Gagwe, O be a le Monna. Ka Moya, O be a le Modimo. “Modimo o dutše ka go Kriste, a boelanya lefase go Yenamong.”

O rile, “Ntlišetše seno.”

¹⁵⁵ O rile, “Gobaneng, ga se setlwaedi.” Ka mantšu a mangwe, “Re na le kgethologanyo. Ga wa swanelo go nkgopela seo.”

O rile, “Eupša ge feela o ka be o tsebile Yo o bego o bolela le yena.”

¹⁵⁶ Oo, ke a makala, mosong wo, ge eba re tseba se se lego ka kamoreng ye. Ge feela re ka be re tsebile gore Moya wo Mokgethwa, Yenamong, Yena yo a tla re hlatselago goba kgahlanong le rena, ka Letšatši la Kahlolo, o thwi fa ka kamoreng, le go tseba dikgopololo tša rena.

¹⁵⁷ “Ge feela o ka be o tsebile Yo a bego a le yena yo a bolelagoo le wena, o be o tla Nkgopela seno.”

O rile, “Sediba se a iša.”

¹⁵⁸ O tšwetšepele go bolela le yena go fihla A swere moyo wa gagwe. Gomme O rile, “Sepela o tsee monnamogatša wa gago gomme le tle fa.”

O rile, “Ga ke naye.”

¹⁵⁹ O rile, “O boletše gabotse. O bile le ba bahlano, gomme yo o dulago le yena bjale ga se monnamogatša wa gago.”

¹⁶⁰ O rile, “Mohlomphegi, ke a bona gore O moprofeta. Bjale re a tseba, ge Mesia a etla, O tla dira dilo tše. Eupša Wena o Mang?”

¹⁶¹ Jesu o rile, “Ke nna Yena.” Oo, nna! “Ke nna Yena, yo a bolelagoo le wena.” Monna feela, a kgopela seno, e sego se segolo sa matšoba selo se sengwe go tšwa Legodimong. E sego Terone ye Tšhweu e dutšego fale, eupša Monna a kgopela seno sa meetse, go timola lenyora la Gagwe! “Ke nna Yo a bolelagoo le wena.”

¹⁶² Gomme a kitimela ka toropongkgolo gomme a re, “Etlang, bonang Monna Yo a mpoditše dilo tše ke di dirilego. A leo ga se leswao la Mesia? A ga se Yena?”

¹⁶³ Yena wa go swana o profetilwe, ke baprofeta morago ka go Testamente ya Kgale. O rile, “E tla ba letšatši leo ge ka mokgwa wo mongwe ba tla no tšoena kerekke, le go ya kerekeng le go ba batho ba go loka gabotse. Gomme ba tla ba le mekgatlo le dilo. Gomme e tla ba letšatši la leantu, e sego leswiswi le ge e le Seetša. Eupša nakong ya mantšiboa, go tla ba Seetša.” Tšona diprofeto di swanetše go phethagatšwa.

¹⁶⁴ Le a elelwa, bošegong bja go feta, khonferense ya rena ka Legodimong? Modimo o be a tlišitše Barongwa bohole godimo, go dikologa, go swara khonferense, yo A bego a ka kgona go dira lentšu la moprofeta go tla go phethega, go tliša Eliya ntle . . . goba ke ra Ahaba ntle kua, go mmolaya.

¹⁶⁵ Bjale go na le khonferense e a kgatlampana ka Legodimong. Dietša tša mantšiboa di fa. Dipomo tša athomo le dilo di lekeletše mogohle, gomme re mo nakong ya bofelo. Dikhonferense tša lefase di tlie bofelong. Nako ya khonferense ya Modimo e a tla. Mantšu a a swanetše go phethagatšwa go Bantle. “Mediro ye Ke e dirago le tla e dira le lena.” Nako e mo. Khonferense e swerwe. Moya o mo.

¹⁶⁶ Bjale, mogwera, go tswaleleng, ke bolela se. O mo khonferenseng, mosong wo. O yena. Gomme taba ya gago e loketše go phophothwa. Molato wa gago—wa gago wa bolwetsi o loketše go phophothwa pele ga Modimo wa kgaogelo. Taba ya gago ya sebe e loketše go phophothwa pele ga Modimo wa kgaogelo, gomme eba le kgonthe gore o a e amogela.

¹⁶⁷ Ka gore, a nke ke le botše, ke ya go bolela ka khonferense ya mafelelo e tla tsogego ya swarwa. Modimo a be le kgaogelo. Selo se tee feela se tla emago kua, o boelantswe. Yeo ke Kahlolo. Gomme selo se nnoši o tla boelanywago ka sona, ke ge o amogetše Madi a Jesu Kriste, bjalo ka tshwarelo ya gago, gomme o tladišwe ka Moya wa Gagwe. Go na le khonferense moo monna yo mongwe le yo mongwe a tla kopanago, mosadi yo mongwe le yo mongwe o tla kopana, ngwana yo mongwe le yo mongwe o tla kopana. Go na le lefelo le le hlaotšwego moo khonferense e tla swarwago, gomme go tla ba le Terone ye Tšhweu ye kgolo ya Kahlolo e beilwego. Modimo o dumelitše baprofeta ba Gagwe go lebelela ka gare, gomme o rile, “Dipuku di ile tša bulwa, le Puku ye nngwe, e lego Puku ya Bophelo. Dikete tše lesome atiša ka dikete tše lesome tša badiredi le Barongwa ba direla Yena.”

¹⁶⁸ Ka gona, go ngwadilwe, “Ge moloki a tla phološwa ka bothata, modiradibe le mohlokamodimo ba tla tšwelela kae?”

¹⁶⁹ Ke eng e tla bago go ema ga gago go khonferense yela? O ka no ba o fetile tšohle tša tšona, go theoga go kgabola bophelo bja gago. O ka no sepelela ka ntle ga mojako wo, mosong wo, gomme wa feta ka thoko ye tee ye. Eupša, mogwera wa ka, o ka se tsoge wa feta yela. O ya go ba Fao. “Ka gore gatee go beetšwe motho go hwa, eupša ka morago ga fao Kahlolo.” Go tla ba le khonferense ye kgolo moo bohole re tla emago mmogo. Gomme re tla fa bohlatse bakeng sa mosong wo, bja khonferense ye ya lefase ye re e swerego mosong wo.

¹⁷⁰ Ge o le modiradibe, amogela kgaogelo ya Gagwe ge re rapela, ge le inamiša dihlogo tša lena.

¹⁷¹ Feela pele re rapela, gomme lena ka dihlogo tša lena di inamišitše, ke a makala, mosong wo, le dutšego ka khonferenseng ye, ge Moya wo Mokgethwa o se wa re go wena, “O na le molato.”

Gomme mohlomongwe o re, “Moya wo Mokgethwa, O a bona, o ka mokgwa wo.”

¹⁷² Seo ke se Moshe a se boletšego ka khonferenseng ya Lewatle le Lehubedu. “Go ka mokgwa wo, Morena. Ke tlide bokgole bjo, eupša nka se kgone go ya pejana go itšego. Go na le se sengwe ka tseleng ya ka.”

¹⁷³ Go ka no ba se sengwe ka tseleng ya gago. Eupša, elelwang, Modimo o boditše Moshe, “Eya, bolelang le bana ba Israele, gomme le ye pele.”

¹⁷⁴ Ge o ka rata go gopolwa ka lentšung la thapeло, a o ka no phagamiša diatla tša gago le go re, “Nthapelele, ngwanešu.” Modimo a le šegofatše. Nna! Gohlegohle moagong, ditasene tša diatla.

¹⁷⁵ Tate wa Legodimong, ka segalontšu se sa go rathagana bokaone se pšhatlegile, go tšwa go rereng, eupša ka mokgwa wo mongwe, wo mongwe, Moya wo Mokgethwa wo mogolo o file batho kgopololo yeo e rilego. Ge, moprofeta a rile, “Etlang bjale, a re faneng mabaka mmogo, go rialo Morena.”

¹⁷⁶ “Bjale etlang, a re swareng khonferense seng sa ren, thwi ka setulong moo re dutšego. Ke dutše mo, ka lehlakoreng la gago. Ke bolela le wena.”

¹⁷⁷ “Eupša, Morena, ke dirile sebe,” go bolela modiradibe. “Ke dirile bontši kudu. Ga—ga ke dumele O ka kgona go ntshwarela, Morena. Ke nna letagwa. Ke nna mmalegogwana. Ke nna, oo, motho wa tumo ye mpe. Ga ke dumele, Morena, go tla ba le sebaka e ka ba sefe go nna.”

¹⁷⁸ Ka gona re kwa Mantšu a mabotse a etla morago, “Le ge dibe tša lena di le tše khubedu, di tla ba tše tšhweu boka leswele. Le ge di ka ba tše khubedu boka madi; o tše bophelo bja masea a mantši a mannyane pele ba tswalwa, le—le dilo tše di bego di šišimiša. Le ge e le tše khubedu bjalo ka madi, e tla ba tše tšhweu bjalo ka wulu ya kwana.” A kgaogelo! “A re faneng mabaka mmogo,” go boletsé Modimo bjale.

A re tleng, re swareng khonferense ye, Morena.

¹⁷⁹ Gomme—gomme O bolela le batho ba Gago. Ba phagamiša diatla tša bona, seo se bontšha gore O dutše hleng le bona. Ka gore go ngwadilwe ka Lengwalong, “Ga go motho a ka tlago go Nna, ntle le ge Tate wa Ka a mo goga pele. Gomme bohole ba Tate a Mphago ba tla tla go Nna. Gomme Ke tla ba fa Bophelo bjo bosafelego, le go ba tsoša ka Letšatši la mafelelo.”

¹⁸⁰ Bjale efa, Morena, gore yo mongwe le yo mongwe yo a phagamišitše diatla tša bona, le bao ba sego ba phagamiša diatla tša bona, e ka ba kae dikhonferense tša Gago tše nnyane tša motho ka motho di swarwago ka moagong wo feela bjale, le batho, a nke ba amogele mogau wa Gago wa tebalelo le go tlatšwa ka Moya wa Gago, le go hlatswiwa ka Mading a Gago. Gomme mafelelong a tsela, a nke O re, “Go dirilwe gabotse, wa ka yo mobotse, mohlanka wa go botega. O bile go

botega mosong wola, ka Eighth and Penn Street, bjale tsena mathabong a Morena, ao a lokišeditšwego wena go tloga go theweng ga lefase.”

¹⁸¹ Morena, Modimo wa ka le Tate wa ka, ke ba neela go Wena. Nka se kgone go dira go feta. Ke no ba moreri wa Gago, gomme nka se kgone go dira go feta. Ke ba Gago. Šomana le bona, Tate, go ya ka ditlhoko tša bona, tša pelo ya bona. Re ba dumelela... goba go ba neela go Wena, Leineng la Morwa wa Gago, Jesu Kriste. Amene.

¹⁸² Ge le kile la ela hloko, mo tabarenekeleng, ga ke dumelele batho go ya go gogela batho aletareng. Ga ke dumele go seo. Ge Modimo a sa go tliše, e ka se dire botse go yo mongwe gape go dira. “Ga go motho a ka tlago ntle le ge Tate wa Ka a mo goga. Gomme bohole bao Tate...” Gomme Tate o a go goga gobane leina la gago le go Puku ya Kwana ya Bophelo. “Gomme bohole A Mphilego ba tla tla go Nna.” Ge eba o ka setulong sa gago, mo aletareng, e ka ba kae o lego, o tla tla. Yeo ke therešo tlwa. Jesu o boletše bjalo.

¹⁸³ Kafao bjale, lena batho ba go ratega bao le phagamišitšego diatla tša lena, kgato ya go latela go lena go tšeа, ge le se la kolobetšwa, ke go kolobetšwa Leineng la Jesu Kriste bakeng sa tebalelo ya dibe tša lena. Yeo ke taelotšhomiso ya ngaka, Ngaka Simone Petro, yo a bilego le dikgonyo tša Mmušo, le go le botša mokgwa wa go tsena.

¹⁸⁴ Ka Letšatši la Pentecost, ba rile, “Re swanetše re dire eng go phološwa?”

¹⁸⁵ O rile, “Sokologang, yo mongwe le yo mongwe wa lena.” Seo ke se le sa tšwago go se dira. “Gona kolobetšwang Leineng la Jesu Kriste bakeng sa tebalelo ya dibe tša lena,” go bontšha batho, le lefase, gore o dumela (lehu, poloko, tsogo ya Jesu Kriste) O tšere dibe tša gago. “Gona le tla amogela neo ya Moya wo Mokgethwa. Ka gore tshepišo ke ya lena, le go bana ba lena, go bona ba ba lego kgole, le ba bantši ba Morena Modimo wa rena a tlago go ba bitša.” Latelang taelo yeo.

¹⁸⁶ Ge e se ka tabarenekeleng ye, ka tabarenekeleng moo le yago, kereke moo le yago, e ka ba kae e lego, se duleng ntle. Eyang thwi ka pela go mmele wa badumedi wa semoya. Eyang go Assemblies of God, church of God, Pentecostal Oneness, Pentecostal Twoness, Mathreeness, eng kapa eng e ka bago yona. Ga ke kgathale mo o yago, eupša etla ka pela kerekeng. Bea kopanelo ya gago ka fale. Ge ba ruta dilo tše dinnyane, mohlomongwe, tšeо o sa di dirego; ga o re, “Gabotse, Ngwanešu Branham ga se a e ruta ka mokgwa woo.” Gabotse, ga go dire phapano e ka ba efe, golebjalo. Ge o ne Moya wo Mokgethwa, sepelela pele. Eya le bona. Kgorometša go ya pele. Bohle re-re ya go tla go e tee, go le bjalo.

¹⁸⁷ Ge tempele ya Salomo e ripetšwe ntle, go kgabaganya lefase, e ripilwe go tšwa gohlegohle lefaseng, matlapa a go lebega go fapano a go lebega gampe, le se sengwe le se sengwe gape. Eupša ge a thoma go tla mmogo, go be go se go sega ga saga goba modumo wa hamola. Mengwaga ye masomenne go agweng ga tempele, ga se ba tsoge ba kwa morethetho o tee wa hamola, goba o tee wa saga. Tšohle di be di ripilwe feela gabotse.

¹⁸⁸ Tšohle dikereke tše kgolo tše, tše di nago le Moya wo Mokgethwa, di tla sepelela thwi mmogo ka mafelong a tšona a go lekanelo, ka Letšatši leo, ka Mmeleng wa Kriste, bakeng sa Thlatlogo. Kafao e nong go fihla mo ba dumelago Ebangedi.

¹⁸⁹ Bjale, bagwera ba ka ba bohlokwa, ke be ke sa tsebe gore ke tšere nako ye ntši yela ya lena. Ga ke tsebe ke nako efe ke tlago pele. A e be e le masometharo a senyane goba iri ya lesome, goba se sengwe? Iri ya lesome. Nka se kgone . . . A ke seo, ka kgonthe botelele bjoo? Ke be ke sa kgone le go e dumela.

¹⁹⁰ Re ne nako bakeng sa feela thapelo bakeng sa balwetši. Re ba tshepišitše seo. Bjale, feela motsotsa o tee. Ge le ka no re fa metsotsa ye lesometlhano. Feelas . . . ke a dumela ke metsotsa ye lesometlhano go fihla, kafao re tla no tšeа metsotsa yela ye lesometlhano ka sešupanako sa ka. Theetšang. Ga se gona . . .

¹⁹¹ Mošomo wa gago wa pele, ge o babja, ka nnete, o ya go ngaka ya gago. O dira tšohle a kgonago go di dira. Ge a ka se kgone go dira go feta, o na le tokelo ya go ya go Makgone yo mogolo gona. Bjale, ga re kgahlanong le dingaka.

¹⁹² Ke na le bagwera ba bantsi ba bohlokwa ba ngaka ba e lego bagwera ba ka, banna ba bakaone ba ba dumelago go Modimo. Gomme ke a ba rapediša, gomme ebile ba a nthapediša. Yeo ke nnete. Ba hwetša molwetši ga ba kgone go dira selo ka yena. Dingaka tše ntši tše kaone, ka nnete, ke swarela leina la bona morago. Mohlomongwe ga se ba tlatšwa ka Moya wo Mokgethwa le dilo, eupša ke banna ba go loka. Ba re, “Ngwanešu Branham, ga go selo nka kgonago go se dira ka taba yeo; ge o ka e tšeа.”

¹⁹³ Ke re, “E romele godimo. A nke ke . . . Nka se kgone go e dira. Ke tla e dumelela go Jesu, go e neela go Jesu Kriste, go Mo dira a e dire.” Le a bona? Kafao seo se kaone.

¹⁹⁴ Eupša, lebelelang. Ge go ka tsoge gwa ba le phodišo e ka ba efe e diregago, Kriste o tla ba Yena yoo a e dirago. Ngaka a ka kgona go šuthiša sešitiši, a goga leino, goba—goba a ripa lefelo, a ntšha lelana, a tšeа, a ripa kankere, a tloša ntho, goba go kara; goba selo se sengwe gape, tšhela mpholo ka go wena, go bolaya ditwatši. Eupša ga go selo se ka kgonago go fodiša ntle le Modimo, ka baka la gore e swanetše go ba tlholo, e e godiše morago. Gomme ga go sehlare se ka hlolago. Le a bona? Go na le Mohlodi yo motee feela, yoo ke Modimo. Ka gona, Dipesaleme 103, le a bona. Mangwalo ohle ke therešo. “Ke nna Morena Yo a fodišago malwetši a lena ohle.” Seo ga se re ngaka ga e na

le karolo ka go yona. Ee, o nayo. Ge nka robega letsogo la ka, mošomo wa ka ke go ya go ngaka ye e tsebago mokgwa wa go bea letsogo lela, eupša a ka se kgone go fodiša letsogo lela. A ka kgona feela go le bea, a bea marapo morago ka lefelong. Gomme ka gona Modimo o fana ka khalesiamo le go ya pele, le go hlola materiale, woo ka gare ga letsogo la ka, woo o le mediša morago mmogo. Modimo ke mofodiši. Le a bona?

¹⁹⁵ Bjale, re be re rera beke ye. Motlwae wa Sejuda go batho, mo nakong ya Sejuda, e be e le go ya, go bea diatla go balwetši. Seo ke se ba se dirilego. Se sengwe le se sengwe e be e le go bea diatla. E be e le tshepedišo ya Sejuda. Eupša ga se ya tsoge ya ba ka tsela yeo ka Bantle, le gatee. Ge morwedi wa Jairo (moprista wa Mojuda), ge a hwile, o rile go Jesu, “Etsla, bea diatla tša Gago godimo ga ngwana wa ka gomme o tla phela.” Bea diatla tša Gago godimo ga lona.

¹⁹⁶ Eupša ge A ile go molaolalekgolo wa Roma, o rile, “Ga ke na maswanedi O tle ka tlase ga ntlo ya ka. Ema ntle fale moo O lego, gomme nno bolela Lentšu.” O ile a lemoga maatlataolo ao Jesu a bilego nao. O rile, “Ke nna monna ka tlase ga maatlataolo, ke na le . . .” O be a le letona. E be e era—e be e era banna ba lekgolo ka tlase ga gagwe. O rile, “Ge nka re go monna yo, ‘Dira se,’ o a se dira. Gomme monna yola, ‘Dira sela,’ o a se dira.” O rile, “Gomme O na le maatlataolo godimo ga bolwetši bjo bongwe le bjo bongwe, le tlaišego ye nngwe le ye nngwe, le se sengwe le se sengwe. Tšohle di mo taolong ya Gago. Wena o Molaodi mogolo.” Oo, ke rata seo.

¹⁹⁷ Seo ebile se kgwathile pelo ya Jesu. Gomme O retologile go dikologa nako yeo, go batho ba Bajuda, gomme O rile, “Ga se Ke hwetše tumelo boka yeo ka Israele.”

¹⁹⁸ Mosadi wa Sirofenike, Montle Mogerika, o tlie go Yena gomme o rile, “Morena, ke na le ngwana o robetše fase mo, yo diabolo a mo tshwenyago ka go fapano.” Go molaleng o be a le dihwahwa goba mohuta wo mongwe wa bogafa. O rile, “O ka go sebopego sa go šiiša. A O ka mo fodiša?”

¹⁹⁹ Gomme O lekile tumelo ya gagwe. “Gobaneng,” O rile, “ga gwa swanelo go tsea borotho bja bana le go bo fa dimpša.” A mmitša mpša. Gomme ka go wona matšatsi, mpša e be e le ye nngwe ya . . . e le bjalo ka kolobe, selo sa fasefase se bego se le gona. O rile, “Ga se gwa Ntshwanelo go tsea borotho bja bana, le go bo fa lena dimpša.”

²⁰⁰ O rile, “Yeo ke therešo, Morena.” Oo, ke rata yeo. “Yeo ke therešo.” O rile, “Eupša, O a tseba, dimpša, ka tlase ga tafola, di ja marathana a bana.” Seo se Mo kgwathile.

O rile, go swana le ge o dirile letšatši le lengwe, Hattie, selo sa maleba.

²⁰¹ O retologile gomme O rile, “Bakeng sa polelo ye, diabolo o tlogetše morwedi wa gago.” O be a se a swanela go ya go yena le go bea diatla godimo ga gagwe.

Ka Letšatši la Pentecost, ge Moya wo Mokgethwa o wele . . .

²⁰² Filipi o ile tlase Samaria. Ba be ba le Bajuda ba seripa, kafao, ge a ile tlase, o ile a swanela go bea diatla godimo ga bona, go amogela Moya wo Mokgethwa. Moya wo Mokgethwa o be o se wa tla godimo ga le o tee wa bona, go le bjalo, ka fao ba ile ba romela le go tše Petro. Ba be ba kolobeditšwe Leineng la Jesu, kafao ba ile godimo le go tše Petro le Johane, ka Jerusalema, motsemošate. Gomme ba tlie tlase le go bea diatla godimo ga bona, gomme ba amogetše Moya wo Mokgethwa. Ka gona Petro o ile godimo ntlong ya Koronelio . . . Le a bona, o ile a swanela go bea diatla godimo ga bona. Lebelelang, Ditiro 19, ge sehlophapha sela sa Bajuda ka Efeso, o ile a swanela go bea diatla godimo ga bona, gore ba amogela Moya wo Mokgethwa.

²⁰³ Eupša, ge a sa le ntlong ya Koronelio, “Ge a sa bolela Mantšu a, Moya wo Mokgethwa wa wela godimo ga bona.” Ga go go bewa ga diatla. Moya wo Mokgethwa o wele ge ba kwele Therešo. Ba be ba swerwe ke tlala le go O letela.

²⁰⁴ A le swerwe ke tlala bakeng sa phodišo, mosong wo? Gona a nke Moya wo Mokgethwa o bolele, ge Jesu a swana maabane, lehono, le go ya go ile. A le dumela seo? A O rile, “Mediro ye Ke e dirago le tla e dira le lena”? O itsebišitše bjang Yenamong go batho, go ba Mesia wa bona, Mesia wa Bajuda? O e dirile bjang go Bajuda? Ka go ba botša sephiri sa pelo ya bona. Ba Mo lemogile, Mesia. Ke ba bakae ba tsebago seo ke therešo? Kgonthe.

²⁰⁵ Ge Petro a etla, gomme O rile, “Leina la gago ke Petro.” Gomme o rile . . . Goba, “Leina la gago ke Kefase.” O rile, “O tla bitšwa Petro. Leina la tatago e be e le Jona.” Seo se e rarolotše. O tsebile yoo e be e le Mesia.

²⁰⁶ Ge Filipi a ile gomme a hwetša Nathaniele, O rile, “Wena o . . . Wena o wa go loka, monna wa go botega.”

O rile, “Bjale, Rabi, O ntsebile neng?”

²⁰⁷ O rile, “Pele Filipi a go bitša, ge o be o le ka tlase ga mohlare, Ke go bone.” Dimaele tše lesometlhano go dikologa dithaba, leeto la letšatši, “Ke go bone.”

O rile, “Wena o Morwa wa Modimo, Kgoši ya Israele.”

²⁰⁸ O ile tlase go Basamaria. O bile le tlhoko go feta. Gobaneng? O ile tlase go Basamaria. Gomme go be go le mosadi wa Mosamaria, gomme kafao O naganne O tla no mo fa leswao la Mesia. Gomme O rile, “Sepela o bitše monnamogatša wa gago gomme le tle fa.”

O rile, “Ga ke ne monnamogatša.”

O rile, “O boletše gabotse, gobane o na le ba bahlano.”

²⁰⁹ O rile, “Mohlomphegi,” ka mantšu a mangwe ka mokgwa wo, “re be re lebeletše Mesia go tla, gomme O ya go ba Modimo Mopropfeta. Gomme re a tseba, ge A etla, O tla re botša dilo tše. Kafao, O swanetše go ba mohuta tsoko wa mopropfeta.”

O rile, “Ke nna Mesia. Ke nna Yo o bolelago ka yena.”

²¹⁰ O tlogetše moeta wola, mmalegogwana le go tlalelwā, ka fao a bego a le leemong, gomme a kitimela ka toropongkgolo, gomme o rile go banna bale, “Etlang, bonang Monna Yo a mpoditšeego se se lego ka pelong ya ka. A yoo ga se Mesia? A yoo ga se Mesia?”

²¹¹ Ga go nako e tee e kilego ya dirwa go Bantle. Aowa, mohlomphegi. Le ke letšatši la bona, ge Dietša tša mantšiboa.

²¹² Bajuda ba ka setšhabeng bjale, go laola lefase. Nako ye nngwe ba dirile. Ba tla morago. Setšang mohlare wola wa mogo o khukhuša, mošola. Lena setšang Mojuda, e ka ba kae a lego, tšhupamabaka ya Modimo, le tla hwetša. A ka se tsoge a tlogela Israele. Eupša Israele e ile ya swanelwa ke go foufatšwa. Ga ke bolele se legatong la Bajuda ba ba dutšego mo. Eupša Israele e ile ya swanelwa ke go foufatšwa, gore e re fe sebaka. Ba rateng. Le se ke la tshwenyega, ba tla khukhuša gape. “Se mogokong o se šiilego, phatakala e jele. Se phatakala e se tlogetšeego, tšie e jele. Eupša Ke tla bušetša, go rialo Morena.” Seo se be se nno lewa, bakeng sa mantladima, gore re kgone go tlišwa ka gare. Mahlo a rena a bulegile.

²¹³ Bjale ke eng? Letšatši la rena le a fela. Bajuda ba thoma go kgobokana gape, mmogo, boka Modimo a boletše. Gomme Dietša tša mantšiboa di a phadima, godimo ga eng? Dietša di phadima kae ka mantšiboa? Ka Bodikela. Di phadimile ka Bohlabela, go Mojuda, batho ba bohlabela, mathomong. E bile letšatši la leswiswi la dikerekemaina le go ya pele, eupša Seetsa sa mantšiboa se tla phadima godimo ga Bantle, seripalefase sa bodikela. Ke rena ba bjale, mo bofelong. Re—re ka Lebopong la Bodikela. Ge o ka ya bokgole bjo bo itšego, o ya morago Bohlabela gape. Tlhabologo e sepetsé ka tsela yeo. Kafao, Dietša tša mantšiboa di a phadima, “Jesu Kriste wa go swana maabane, lehono, le go ya go ile.”

A re rapeleng.

²¹⁴ Bjale, Morena, tše ke tša Gago tšohle. “Lentšu tumelo le tla ka go kwa, go kwa Lentšu la Modimo.” Gomme, Modimo, O dira Mantšu a Gago go bonagatšwa, go netefatša go batho gore O Modimo. Bjale a nke go tsebje, mosong wo, gore O Modimo, gomme ke nna mohlanka wa Gago, ke ba botša therešo ya Bophelo bjo Bosafelego. Ka Jesu Kriste Morena wa rena, re a rapela. Amene.

²¹⁵ Ke a dumela, Billy o mpoditše ntle kua, gore go be go le se—se sehlopha se segolo sa dikarata tša thapelo, batho ba bantši mo. Re ka se kgone go tliša bohole ba bona godimo, le tseba seo, go yona go—go yona go netefatša seo, goba feela gore le ke le bone.

Bjale, Modimo ga se a swanelo go dira se. Gomme yo mongwe le yo mongwe o tseba seo?

²¹⁶ Jesu o be a se a swanelo go fodiša e ka ba mang ge A be a le lefaseng. A le be le tseba seo? Eupša O e dirile, gore go ke go phethagale se se boletšwego ke moprofeta. A yeo ke nnete?

²¹⁷ O dira se, gore Lentšu le ke le phethagatšwe, “Bjalo ka ge go bile bjalo matšatšing a Sodoma, ka fao go tla ba bjalo ka go Tleng ga Morwa wa motho.”

²¹⁸ Le ela hloko, ba bile le Billy Graham le Oral Roberts, bona, ka letšatšing la Sodoma. Banna boka bona ba ile tlase le go rerela Basodoma ka toropongkgolo.

²¹⁹ Eupša bakgethiwa Abraham le sehlopha sa gagwe e be e le sehlopha sebilešwa ntle, ntle go lehlakore le tee. Ke mohuta mang wa Morongwa a šetšego morago le go ba rerela? Šetšang. Monna o dutše fale, o rile O be a le Mosetsebje go tšwa nageng ye sele. Lerole diaparong tša Gagwe. O be a sa tšo ja karolo ya namane, o nwele maswi go tšwa go mme, a eja dikuku tša leheia, le Abraham. Ge, mohlomongwe o be a na le boditsi, a bokela dintšhi kgole, ge A be a e dira, a dutše fale, a eja. Gomme ka morago ga ge A tlogile... Abraham o Mmiditše, “Elohim, Ramaatlakamoka.” Eupša O be a le Motho; Modimo ka go batho ba Gagwe. Bjale lebelelang se A se dirilego, ka fao A tsebago. O dutše fale gomme o boletše le Abraham. O rile... Bjale, lekga la mathomo A kopanego le Abraham, lekga la mathomo Abraham a Mmone, le go tsebeng.

²²⁰ Gomme banna ba bangwe ba ba be ba eya go ya pele ka Sodoma. Gomme ba ile tlase kua le go rera, le go foufatša batho. A seo ga se se thero ya Ebangedi e se dirago, e foufatša mosedumele? Hlokamelang.

²²¹ Eupša yo Yena yo o eme morago kua le Kereke mokgethiwa, Abraham le sehlopha sa gagwe, ba bolotšwa, ba kgonthe. O rile...

²²² Loto e bile ye—ye yena yo a dulago ka toropongkgolo, gomme a ipshina. Gomme bonang ka fao barwedi ba gagwe ba bilego, le ka fao barwa ba gagwe ba bilego, le se sengwe le se sengwe. Seo se no swana le lefase lehono, Sodoma, sebe le se sengwe le se sengwe. Yeo ke kereke, ya mehleng.

²²³ Eupša Kereke, semoya, ke sehlopha sebilešwantle, baaroganywa. Ke mohuta mang wa Morongwa a tliego go bona? Bjale a re e šetšeng. Bjale, elelwang, Morena wa lena o rile, “Bjalo ka ge go bile nakong yela, go tla ba bjalo go Tleng ga Morwa wa motho.” Jesu o boletše bjalo. “Magodimo le lefase di tla feta, eupša Mantšu a Ka a ka se tsoge a palelwa.” Bjale theetšang sekgauswi, gomme homolang.

²²⁴ Bjale, Morongwa yo o boletše le Abraham. O rile, “Abraham, mosadimogatša wa gago o kae, Sarah?” O tsebile bjang o be

a nyetše? O tsebile bjang o bile le mosadimogatša? Gomme O tsebile bjang leina la gagwe e be e le Sarah? Go a tlabā, a go be go se?

Gomme Abraham o rile, “O ka tenteng, ka morago ga Gago.” Uh-huh.

²²⁵ O rile, “Abraham, go boneng gore—gore o dumela Modimo, gomme o ya go ba mojabohwa wa lefase, bohle Bantle le bohle ba tla tlišwa ka Mmušong ka Peu ya gago, ka ya gago . . . tshepišo e dirilwe go wena, Nka se ute e ka ba efe tshep- . . . e ka ba eng e utetšwego wena, Abraham.” Oo, ke rata seo. “Nka se ute se go tloga go wena, Abraham. Eupša o Ntumetše, bakeng sa lesea lela, lebaka la mengwaga ye masomepedi tlhano. Bjale o bogolo bja mengwaga ye lekgolo, gomme o masomesenyane. Eupša, Abraham, go ya ka nako ya bophelo . . .” Ka go batheeletši ba go hlakana, le tseba se ke se rago, matšatši a masomepedi seswai. O be a eme, mengwaga ye masometlhano, goba go feta, ya, mengwaga ye masometshela pele ga fao. O rile, “Go ya ka nako ya bophelo le Sarah, Ke ya go go etela gape, gomme o ya go tliša lesea lela.”

²²⁶ Gomme Sarah, ka morago ga Gagwe, ka tenteng, mafego a tswaletšwe, a sega ka teng ga gagwe mong. Feela . . . [Ngwanešu Branham o a laetsa—Mor.] Gomme o boletše ka go yenamong, “A nka ba le boipshino le morena wa ka?” O bitša monnamogatša wa gago eng? “A nka ba le boipshino le morena wa ka gape, go boneng gore ke tšofetše, gomme o tšofetše, le yena?”

²²⁷ Gomme Morongwa, ka mokokotlo wa Gagwe o furaletše, o rile, “Gobaneng Sarah a segile? Ke eng e mo dirilego a sege?” A ga le bone? Ke mohuta mang wa Moya, ke mohuta mang wa Morongwa, a bego a le yoo, a etetšego Kereke yela ya go kgethiwa kua?

²²⁸ Bjale, Jesu o boletše gore selo sa go swana se tla direga feela pele ga go Tla ga Gagwe. Leo e tla ba leswao la go Tla ga Gagwe.

²²⁹ A re bitšeng mothalo wa thapelo. O dirile tshepišo. O a e boloka. Bjale, fao, felotsoko go bapela fao, ke swanetše go bitša batho ba bahlano goba ba tshela, ba bantši ba ka kgonago go ema mo. Ka moka ga lena bohle le no dumela. Šetšang. Ge o se na le karata ya thapelo gomme wa fihla godimo mo, seo ga se re selo setee. Ke a go hlohla. Sese seo . . .

²³⁰ Sese se Peu ya Abraham e se dirilego, Jesu, ge A be a le lefaseng.

²³¹ Letšatši le lengwe, O be a feta go kgabola lešaba la batho. Gomme bohle ba bona ba be ba re, “Halo, Rabi. Moso wo mobotse, Ngaka. O bjang, Moruti? Ke thabile go kopana le Wena, Moruti. Ke thabile go ba le Wena godimo fa. Ke ya go swara kopano ge re sa le godimo fa?”

²³² Gomme mosadi yo monnyane wa go šokiša o bile le tlhoko, kafao o ngwegile go kgabola lešaba gomme o kgwathile kobo ya Gagwe. Ka gore o boletše bokagare bja gagwe mong, “Ge nka no kgwatha Monna yo mokgethwa yola.” Le a bona? Tumelo ya gagwe. Le a bona? “Ge ke Mo kgwatha, ke tla dirwa go fola.” Ka fao a Mo kgwatha, gomme a ya morago ntle ka lešabeng. O rile, “Oo, ke na le nnete ke fodišitšwe, gobane ke dumela seo. Ke e dumetše. Ke a tseba ke fodile. Ke—ke no dumela gore taba ya madi e eme thwi bjale. Ke no e dumela.”

²³³ Jesu o eme, o rile, “E re, ke mang a Nkgwathilego?” A potšišo!

²³⁴ Petro o rile, ka mantšu a mangwe, “Morena, bothata ke eng ka Wena?” Beibele e rile o Mo kgadile. O rile, “O ra go reng ka seo? Gobaneng, yo mongwe le yo mongwe o a Go kgwatha! Ka fao O tlago go re... Wena, o le Mesia, a ga O boife gore O ya go ikgoboša ka Bowena mo pele ga batho ba, ‘Ke mang yo a Nkgwathilego?’ Gomme ke a petša go bile le makgolo tlhano a Go kgwatha mo motsotsong wa mafelelo. O tla reng, selo se sebjalo ka seo?”

²³⁵ O rile, “Eupša ye e be e le kgwatho ya go fapano. Ke a bona gore Ke fokotše.” Bokwala, yo mongwe le yo mongwe o a tseba bokwala ke maatla. “Ke fokotše. Maatla a tšwile go Nna.”

²³⁶ Gomme O lebeletše tikologong, a lebelela tikologong. Le a bona, go na le tumelo ntle kua, felotsoko. O lebeletše tikologong, gomme O hweditše mosadi yo monnyane. Moya wo Mokgethwa wo o bego o le ka go Yena, ka botlalo, o Mo šupeditše thwi go mosadi yo monnyane. Taba yela ya madi a bilego le yona, O rile, “Tumelo ya gago! Bjale, ga se Nke ka go fodiša. Nna ga se ka ke ka ba le selo go dira le yona, eupša tumelo ya gago,” (ka go Mang?) “ka go Modimo, Yo Ke mo emetšego, tumelo ya gago e go dirile o felele.”

²³⁷ Bjale, Beibele e boletše gore O a swana maabane, lehono, le go ya go ile. Yeo ke, wa go swana ka motheo, wa go swana ka maatla, wa go swana ka mokgwatebelelo. Modimo wa go swana yo a phetšego ka go Kriste, o phela ka Kerekeng, e sego bontši bja Yona. O bile le ntle le kelo, re ne Yona ka kelo. Eupša ge o bile le lehwana la go tlala meetse, go tšwa go lewatlekgo, dikhemikhale tša go swana di bilego ka go lewatlekgo ka moka, di ka go lehwana la go tlala. Elelwang seo. Yeo ke nnete. Ke Modimo wa go swana.

²³⁸ Bjale, Beibele e boletše, ka go Bahebere, o boletše gore, “Jesu Kriste thwi bjale ke Moprista yo Mogolo yo a kgonago go kgwathwa ke dikwi tša mefokolo ya ren.” Ke ba bakae ba tsebago seo? Gabotse, ge A le Moprista yo Mogolo wa go swana, a A ka se dire ka tsela ya go swana ge A be a kgwathilwe?

²³⁹ Ke rena eng? Seboleledi sa Gagwe. Re ineela renabeng go Yena, gomme mantšu a rena ga se mantšu a rena. “Le se ke la

nagana gore le tla reng, ka baka la gore ga se lena le bolelago. Ke Tate yo a dulago ka go lena. O a bolela.”

²⁴⁰ Felotsoko, e be e le kae fao, Billy, tee go fihla go masometlhano, goba tee go fihla go lekgolo? [Ngwanešu Billy Paul o re, “Lekgolo.”—Mor.] Tee go fihla go lekgolo.

²⁴¹ Ka mehla, batho ba kgobokanelka karata yeo ya mathomo, kafao re tla tlögela yeo e nnoši motsotso. A re thomeng ka nomoro ya go segiša, a re reng, masometharo. Ke mang a nago karata ya thapelo masometharo? Phagamišetša seatla sa gago godimo.

²⁴² Ke eng—ke eng leletere? [Ngwanešu Billy Paul o re, “B.”—Mor.] B, B masometharo. Go lokile.

²⁴³ Lebelela ka dipotleng tša gago, ntšetša karata ya gago ya thapelo ntle. Gomme ge fao...[Ngwanešu o re, “Thwi fao.”—Mor.] Gabotse, theetšang, ge go se masometharo, gobaneng, re tla thoma felotsoko gape gona. Re tla—re tla thoma ka...[Ngwanešu Billy Paul o re, “Thwi fao, ka morago.”] O reng? [Ngwanešu Neville o re, “Yena šole.” Ngwanešu Billy Paul o re, “Morago, go la nngele.”] Oo, ke maswabi. Ke maswabi. Go lokile. Etsla fa, mohlomphegi.

²⁴⁴ Masometharo tee. Ke mang a nago le karata ya thapelo masometharo tee, a o ka phagamišetša seatla sa gago godimo? Masometharo tee. Etsla thwi mo, mohlomphegi. Masometharo pedi. Ke mang a nago le karata ya thapelo masometharo pedi? Wena, mohumagadi yo moswa? Masometharo tharo. Ke mang a nago karata ya thapelo masometharo tharo? A o ka phagamiša seatla sa gago? Mohumagadi yo, fa. Go lokile, kgaetsedi. Masometharo tharo. Masometharo nne. Go karata ya thapelo masometharo nne? Wena, mohlomphegi? Masometharo tlhano. Masometharo tshela. Masometharo tshela. Ke mang a nago karata ya thapelo masometharo tshela? A ke e fošitše?

O na le masometharo tshela, mohumagadi yo moswa? Masometharo šupa. Mohumagadi yo o be a gakanegile mo. Hwetša...Nomoro ya karata ya gago ya thapelo ke eng? Bonang mo a lego. [Kgaetsedi o re, “masometharo tlhano.”—Mor.] Masometharo tlhano. Ke maswabi, mohumagadi. Go lokile, hwetša lefelo la gago. Bašemane fale ba tla go bea moo o tla bago.

Masometharo šupa, masometharo seswai, masometharo senyane, masomenne. A re ba boneng ba tsoga. Go ne ba bararo bjale. Masometharo seswai, masometharo senyane, masomenne. Masometharo senyane, masomenne. Tee, pedi, tharo, nne, tlhano, tshela, šupa, seswai, senyane, ke a thankya yeo ke yona. Masomenne, masomenne tee, masomenne pedi, masomenne tharo, masomenne nne, masomenne tlhano. A nke tšona dikarata tša thapelo di tle pele: karata ya thapelo, godimo go masomenne tlhano, go tloga go masometharo go ya go masomenne tlhano.

Bjale, ge o sa kgone go emelela... A o na le karata ya thapelo, mohlomphegi? O a dira, go lokile, eya godimo kua. Ga ke bone

eupša monna yo motee wa segole. O dutše mo ka setulong sa bagolofadi. Bjale, ge go na le e ka ba mang ntle le e ka ba efe ya tšona dikarata tša thapelo, bjale, ga re tsebe... Ke a thanka ke hwetša go pitlagana fale, kafao ke... Gabotse. Go lokile. Ke tla—ke tla—ke tla ema, feela mo motsotsong. Go lokile. Ga re ne sekgoba fa, le a bona, go ba le yona e dirwa ka lenaneo.

²⁴⁵ Bjale, ke ba bakae ka fa ba se nago karata ya thapelo, gomme efela, o a babja, gomme o nyaka Modimo go go fodiša? Phagamiša seatla sa gago. Gabotse, ka kgonagalo ke mogohle, ke a nagana, feela e ka ba mogohle.

Go lokile, bjale, ke ya go le kgopela, ge le ka rata, bakeng sa metsotsotso ye e latelago e sego mekae... E lego, ke tšere taolo godimo ga nako ya ka bjale.

Eupša, fa go makgaolakgang ge eba Lentšu le le nepile goba aowa! Se se a e netefatša!

Bjale, a nke ke be le šedi ya lena ya go se arogane.

Yo mongwe le yo mongwe mo o a tseba, gore, ge ke be ke kgona, ke be ke tla fodiša yo mongwe le yo mongwe wa lena. Eupša Beibebe e boletše, gore, “Ke nna Morena Modimo wa lena Yo a fodišago malwetši a lena ohle.” E theilwe godimo ga Tumelo. Dilo tšohle tše tseo ke di rerilego beke ye, godimo go nako ye, le tlase go kgabola bophelo bja ka, e theilwe godimo ga mediro ye e feditšwego ya Kriste kua Khalibari. Ge o e dumela, seo ke sohle Modimo a se kgopelago: “Ge o ka e dumela, o tla ba le se o se kgopelago.”

Bjale, ge go etla go maswao le matete go tšwelela, O tshepišitše seo. Sa pele, O beile ka kerekeng (Eng?) baapostola, baprofeta, barutiši, baebangedi, badiša. Yeo ke taelo ya Modimo e beilwe ka kerekeng, go phethagatša bakgethwa.

Bjale, ke nyaka yo mongwe le yo mongwe wa lena go mphamšedi ya lena ya go se arogane.

Bjale, go no ba e ka ba motho o tee ka go mothalo wola wa thapelo yoo ke naganago gore ke a mo tseba. Gomme yoo ke monna a aperego sutu ye tšhweu. Ga ke kgone go bitša leina la gagwe. Eupša ke—ke a dumela o tšwa felotsoko, e ka ba, godimo tikologong ya Carolina, goba se sengwe. Ke... Yena ke morekišadikoloi goba se sengwe. Ke bile le mantšu le yena. Ebile ga ke tsebe leina la gagwe. Eupša ke... Gomme gabotse, ga—ga ke tsebe bothata ke eng ka yena. Ke... Modimo o tseba seo. Nka se kgone go le botša se e lego phošo ka yena. Eupša ke a nagana ka moka ga bona bohle ke basetsebje go mna. Ga ke ba tsebe.

²⁴⁶ Ke ba bakae ntle fa bao ba tsebago ga ke tsebe selo ka ga lena? Phagamišang diatla tša lena. Ee, mohlomphegi. Bjale, Beibebe e rile, “Ge Moya wo Mokgethwa o tlide, O tla...” (Seloa pele, Moya wo Mokgethwa o tla dira eng?) “...utolla dilo tše go lena, tše Ke di rutilego.” A yeo ke nnene? Gona O tla dira eng?

“Go le laetša dilo tše di tlagoo, go ba Moutolli wa sephiri sa pelo.”
O tla dira modiro wa go swana woo Jesu a o dirilego.

²⁴⁷ Bjale, ke ba bakae ba dumelago gore Jesu o feditše polane ya phološo le phodišo, mo Khalibari? Nneta. Kafao, bokgole bjoo seo, go fedile, a ga se yona? Go fedile.

²⁴⁸ Eupša selo se nnoši A ka kgonago go se dira ke go le tšoša, goba go le tliša go kwešišo gore O sa le Modimo le go boloka tshepišo ya Gagwe. Kafao, go direng bjalo, O tlotša bareri. Bao ke banna ba bakaone ba ba emego go dikologa fa, le ba bantsi morago fale. O ba tlotša go rera. Ke nna kemedi ya go šokiša bakeng sa moreri. O mphile *se*, bakeng sa theroyaka, le a bona, sebakeng. Gobane, ga se ka rutega gomme ga ke tsebe selo, le tseba se ke se rago, go ba serutegi goba e ka ba eng, goba moithuti. Eupša O fa banna ba dibakabotse go dira seo, gomme ba ya godimo kua ka tlase ga tšušumetšo le go rera. Oo, ba ka bolela bontši mo metsotsong ye mehlano go feta nka bolela mo iring, gobane, ka tlase ga tšušumetšo, feela boka kanono goba matšenekane o E rebethela fase ka bonako, boka hamola ya go rethwa e kokotela. Le a bona?

²⁴⁹ Nna, le a bona mpho ya ka ke se sengwe gape: ke swanetše go tsea nako ya ka le go ithuta se . . . le go leta le go bona se Moya wo Mokgethwa o mpotšago go latela. Gomme le a bona, ga se tlwa ka mothalong wa ka. Eupša efela ke a e dira, gore ke age phuthego, go ba dira ba tsebe se kgopoloyaka e lego ya Kriste.

Ka mehla ka dikopanong, ke na le moreri yo mongwe yo mokaone o a ntherela. Eupša bjale, bjale ke nako; ye ke iri, ka morago ga ge Lentšu le rerilwe: Gona go reng ka yona? Ge e no ba go rera, o sepela go tloga, gabotse, ga o e tsebe. Eupša ge A etla go dikologa, le go netefatša gore se A se boletšego ke Therešo, gona, ngwanešu, e difarong tša gago, gona. Yeo ke nneta, ke wena.

Bjale, ge Moya wo Mokgethwa o ka tla mosong wo ka batheeletsing, le go dira tlwa ka tsela ye A dirilego ge A be a le ka go Jesu Kriste, ke ba bakae ka fa ba tla dumelago gore Modimo o kile a ba ka godimo ga rena; morago le rena, ka go Kriste; bjale ka go rena, ka Kerekeng? Kgonthe.

Bjale, ge o ka kgona go bona bjale, ga wa swanela go ba le diatla di beilwe godimo ga gago, ge o le modumedi wa kgonthe. “Ge Petro a sa bolela mantšu a, Moya wo Mokgethwa wa wela godimo ga bona.” Le a bona? “Ga ke hloke, etla o bee diatla godimo ga mohlanka wa ka: e no bolela Lentšu, gomme seo ke sohle O swanetšego go se dira.” Bona ge eba o peu ya Abraham bjale. A nke Modimo a dire ka moka.

Tate wa Legodimong, bjalo ka motho, bjalo ka mohlanka, leo ke lentšu la ka le le feditšwego. O bolela go tloga ka morago ga fa, Morena. A go be bjalo, gore ba tla tseba gore O Modimo magareng ga batho. Leineng la Jesu, Amene.

²⁵⁰ Bjale, bjalo ka monna, monna šo go no swana le, gabotse, ke tla re, gore, ge Nathaniele a tlie pele ga Jesu. Bokgole bjo ke tsebago, ga se ra ke ra tsoge ra kopana; re basetsebane seng sa rena. Eupša Modimo o tseba monna, ga ke mo tsebe. Ka monaganong wa ka ga se ka ke ka mmona, ntle le ge e diregile go ba mokgotheng felotsoko, le go kopana le yena ntle mo, ke šikintše seatla sa gagwe, goba ke rile, “Go bjang, mohlomphegi?” goba se sengwe gape, sa mosong, ke sohle ke se tsebago. Eupša Modimo o tseba monna. Bjale, ge Jesu Kriste a swana maabane, lehono, le go ya go ile, gona O . . . ge monna yo a babja, gona, ge go etla go phodišo, O šetše a e dirile. Jesu o šetše a feditše seo. Eupša feela tsela ye nngwe go mo hwetša, go dumela, go tseba gore Jesu o thwi fa.

²⁵¹ Bjale na Jesu o rileng? “Leswao, go swana le ge le bile ka Sodoma, ka fao le tla dirwa ka matšatšing a mafelelo.” “Mediro ye Ke e dirago,” go laetsa gore O be a le Yena wa go swana yo a bego a na le Abraham. “Pele Abraham a bile, KE NNA.” O be a le Morongwa yola. Gomme šo Yena . . . Šo Yena, fa mosong wo, Morongwa wa go swana, a dula ka go rena.

²⁵² Bjale, monna a ka no ba mo—mo moekiši. A ka no ba e le moikaketši. A ka no ba e le mohlokamodimo. A ka no ba mo—mo mokgethwa. Yena, ga ke tsebe selo ka yena. O nno ema fale. Eupša ge Moya wo Mokgethwa o ka tla le go utolla, go yena, a a be moahlodi go tloga nako yeo go ya pele. O a tseba. Ge Moya wo Mokgethwa o ka kgona go mmotša se se bego se le ka bophelong bja gagwe, ka nnete yena, ge yeo e le therešo, a ka kgona go dumela se se tla bago ka bophelong bja gagwe. A yeo ke nnete? Ge A ka kgona go bolela se se bilego, go reng ka se se tla bago? Bjale, o tla tseba ge eba ke nnete goba aowa, ge eba e bile.

²⁵³ Ngaka, o dumela se. Wena le mme, bobedi, le a se dumela. Gomme ngaka ye nngwe e dutše morago kua, le yona, go tšwa Springfield, Missouri. Le a bona? Moya wo Mokgethwa o ka bjale.

²⁵⁴ Monna wa hlogo ye pududu fale, a dula ntle ka Alben Motel ntle fa. O tlaišega ka se sengwe ka lehlakoreng la gago. Ga o tšwe fa, le go thoma. O tšwa Canada. British Columbia. Vancouver. O tšwa Finland. Kiitos.

²⁵⁵ [Ngwanešu o re, “Kiitos, gomme Modimo a go šegofatše.”—Mor.] Modimo a go šegofatše. Eya gae; o gabotse. Jesu Kriste o go dira o fole.

²⁵⁶ O a dumela? Ga ke tsebe monna. Ga ke tsebe bjale se ke se boletšego go yena. Woo e be e le Moya wo Mokgethwa o bolela.

²⁵⁷ Mosetsebje yo mongwe. Ga ke tsebe monna, ga se ka ke ka mmona ka bophelong bja ka. Ke a nagana re basetsebane. A yeo ke nnete, mohlomphegi? [Ngwanešu o re, “Nnete. Yeo ke nnete.”—Mor.]

²⁵⁸ Ga se ka ke ka bona monna, ga ke tsebe selo ka yena. Bjale ebang le tlhomphokgolo ka nnete. Gomme ge ke sa tsebe selo ka monna, gomme Morena o tla mpotša se sengwe ka yena, gona ka kgonthe seo se tla tiišetša gore go tšeа se sengwe go feta motho go dira seo. A yeo ke nnete? Bjale ge le ka no ba tlhomphokgolo ka kgonthe, gomme la šetša, le go hlokomela. Gomme ge Moya wo Mokgethwa o lla ka godimo ga gago ka mokgwa woo, O amogele. O dumele, ka pelo ya gago yohle.

²⁵⁹ Mosetsebje. Selo sa pele, o nyaka phološo. O segatamoroko. Yeo ke nnete tlwa. Ga o tšwe toropongkgolo ye. O tšwa toropongkgolo ye nngwe, toropokgolo ya Indiana. Ee. Ke a dumela ke New Castle, se sengwe boka seo. Yeo ke tlwa. Um-hum.

²⁶⁰ O na le, ka mokgwa wo *mongwe wo mongwe*, ke bona wa yo mongwe . . . o na le mosadi, o kgomagane . . . O kae Lyle Woods? Ke mosadimogatša wa gagwe. O mo bjale. O nyaka go rapelelwa, le yena. Ee, mohlomphegi. A o a dumela gore Modimo a ka kgona go mpotša gore bothata bja gago ke eng? Bothata bja pelo. O tla dumela ka pelo ya gagwe yohle, a ka fodišwa.

²⁶¹ Ke ahlola diabolo yola ka go wena, yoo a go dirago o nwe alekoholo. Eya gae, Leineng la Jesu Kriste, gomme o se tsoge wa e nwa gape. Kolobetšwa Leineng la Gagwe le bohlokwa, le tloša dibe. Gomme ke ahlola diabolo, a nke a go fete. Amene.

²⁶² Eya pele. Modimo a go šegofatše, mohlomphegi. Dibe tša gago di lebaletšwe bjale. Sepela, gomme o se sa dira sebe gape.

²⁶³ Eba le tumelo go Modimo. O se belaele. Dumela ka tšohle tšeо di lego ka go wena.

²⁶⁴ Re basetsebane seng sa rena, mohumagadi yo moswa. A o a dumela Kriste o a re tseba bobedi? Fa go swana le mosadi mo sedibeng, le Mopholoshi wa rena. Ga se wena yena, gomme ešita ga se nna Yena. Eupša Moya wa Gagwe o phela go ya go ile. Mosadi, mosadi yo moswa yo a emego fa, o . . . Ge le ka kgona go Se bona, gare ga gagwe le nna ke Seetša se sa Morongwa se eme mo. Eupša feela ka godimo ga woo ke moriti, gomme moriti wola ke lehu, leswiswi. Ke kankere. Kankere e hweditšwe, lelalegolo. Ga o tšwe nageng ye, le wena. O Mokentucky. Go tšwa LaGrange, Kentucky. Yeo ke nnete. Mohumagatšana Johnson, ke go botša eng. Ge o dumela, ka pelo ya gago yohle, eya morago gae, gomme Jesu Kriste o go dira o fole. A o dumela seo? [Kgaetšedi Johnson o re, "Ke a dira."—Mor.]

²⁶⁵ Ke ahlola diabolo yo a tšeago bophelo bja mosadi yo. Godimo ga motheo wa tsogo ya Jesu Kriste, bjale ke hlohla Sathane, le go mmotša gore ke sephedi se se fentšwego, seo Jesu Kriste a mo fentšego Khalibari. Gomme bjalo ka mohlanka wa Modimo, ka tlase ga tlotšo ya Moya wo Mokgethwa, yeo, thomo ye e filwego nna ke Morongwa, ke ahlola diabolo yo, bakeng sa bophelo bja mosadi yo. A nke a phele, O Morena. Amene.

²⁶⁶ Boela gae, thakgala gomme o thabe, o leboga Morena. O se belaele bjale. O se be le pelaelo ka monaganong wa gago.

²⁶⁷ O bonala o hlokofetše gampe le go hloka molato ka seo, mohumagadi. Ge o dumela, bothata bjoo bja thatana o tlaišegago ka bjona, atheraithisi, e dumele ka pelo ya gago yohle, e tla go tlogela.

²⁶⁸ Bjale, mohumagadi yo monnyane o ikwetše Sengwe thwi fa, gobane go ne moyo magareng ga bobedi bja bona, le a bona. Wena, wa gago o lokile, le wena. E no dumela, ka pelo ya gago yohle.

²⁶⁹ Gomme gale, mohumagadi yo monnyane kgauswi le yena fale. Ee, yoo ke wena o dutšego fale, o lebeletšego godimo, o rapela. Uh-huh. Bothata bjola bja mokokotlo, dumela ka pelo ya gago yohle. Gomme wena, le wena, o bile le bothata bja mokokotlo, gape. Kafao nno ya godimo gomme o ye gae bjale, o fole.

²⁷⁰ O a dumela, pelo ya gago yohle? O mo bakeng sa morwedi wa gago. Morwedi wa gago o apešitše ke moriti ka lehu. Ke kankere. Gomme maemo a gagwe a semoya ga a loka kudu. Ee, mohlomphegi. O no ba godimo le fase, ka gare le ntle, le go gogolwa gohle. O bona sakatuku sela o nago naso ka seatleng sa gago? [Kgaetšedi o re, “Ee, mohlomphegi.”—Mor.] A o a dumela woo ke Moya wo Mokgethwa o bolelagoo fa? [“Ke a dira.”] A nke ke be le sakatuku sela.

²⁷¹ Morena, Leineng la Jesu Kriste, ke ahlola seemo sa morwedi wa gagwe. Ka mantšu a mmagwe, a nke a be le maatla godimo ga gagwe, ka Leina la Jesu. Amene.

²⁷² Eya; o se belaele. Eba le tumelo. A ka kgona go ya gae bjale. Bea sakatuku sela godimo ga gagwe. Dumela. Eba le tumelo go Modimo.

²⁷³ Go na le mosadi, ge o ka kgona go mmona. O na le mahlo a gagwe a tswaletše. Sakatuku sa gagwe godimo, a rapela, a phumula mahlo a gagwe. O kgwathile Sengwe, kgaetšedi. Ga se wa nkgwatha, eupsa o Mo kgwathile. Bjale, o na le ditšhika tša go photha madi, bothata bja sesadi, ditlhakahlakano tša mehuta yohle. Yeo ke nnete, a ga se yona? Phagamiša seatla sa gago ge seo e le therešo. Go lokile. Bjale eya gae, o fole.

²⁷⁴ O kgwathile eng? Ke nyaka go le botšiša. Mang, mosadi yola o kgwathile eng? Moprista yo Mogolo. A le kgona go lemoga? Jesu Kriste, Morwa wa Modimo, o gona. “Ge o ka kgona go dumela!”

²⁷⁵ Moya o ka go batheeletši. Dumelang. Pilara yela ya Mollo ye e lego godimo ga seswantšho se mo, e sepela ka batheeletšing. Ke mosadi a ntebeletšego thwi. E eme godimo ga gagwe. Diatla godimo ka mokgwa *wo*, le sakatuku ka molomong wa gagwe. O na le bothata ka hlogo, mohuta wa seemo sa mogalatšika sa hlogo. Yeo ke nnete. A o ntumela go ba moprofeta wa Gagwe? A

o dumela seo go ba Kriste a bolela le wena? Eya gae, o ya go fihla godimo ga yona. Dumela ka pelo ya gago yohle.

²⁷⁶ Monna a dutšego thwi ka morago ga gagwe fale, se sengwe se sengwe se amanago le yena ka ga Campbellsville, Kentucky. Uh-huh. O na le bothata bja mogalatšika, le wena; proseteite; madi a magolo. O dumela ka pelo ya gago yohle, mohlomphegi? Ge o dira, phagamišetša seatla sa gago godimo ge dilo tšela di le nnete. O kgwathile eng? O kgwathile yo Mongwe, Moprista yo Mogolo. Sepela, dumela, gomme o fole.

²⁷⁷ Mosadi šo, mohuta wa go bopega boima, o dutše fa ka seatla sa gagwe godimo go mo dikologa. Ke a dumela ke tseba mosadi yola. Ke mmone felotsoko. O a rapela. O na le bothata ka hlogo ya gagwe. Gomme ka pela ge ke rile "hlogo," go mosadi yo mongwe yola, feela metsotso e se mekae ya go feta, e mo amme. O na le bothata bja hlogo, le yena. Ke bone mosadi felotsoko. Nka se kgone go mmea, eupša ke mmone. Oo, ee, ke a dira. Ke a tseba bjale, ebile semoyeng. Ke Rose Austin, go tšwa Louisville, Kentucky. Dumela bjale. Eya gae, o fole.

²⁷⁸ Ke a go tseba. Ke tseba sa gago . . . Ke tseba sefahlego sa gago. Ke be ke na le wena, ka go—go poledišanonyakišo, ka go moago wa molokoloko, moo o amogetšego Moya wo Mokgethwa. Yeo ke nnete. Ke beile diatla godimo ga gago, le go amogela. Ga ke tsebe leina la gago ke mang gonabjale, eupša ke a go tseba. O na le kgwebo ya dikoloi. Seo ke sohle ke se tsebago. Ga ke na le kgopololo gore phošo ke eng ka wena. Wena, o lemoga seo. Yeo ke nnete. Ga go kgopololo. Ge Modimo a ka utolla se bothata bo lego, gona Yena wa go swana yoo a go fago Moya wo Mokgethwa, a ka go fodiša, a go fa tumo ya pelo ya gago. O dumela seo? [Ngwanešu o re, "Ee, mohlomphegi."—Mor.] Ga o fa bakeng sa gagomong. Ga se seemo sa gago. Ke bakeng sa moratwa. Ke kgaetšedi ka Virginia. Mohuta tsoko wa bothata, boka mokokotlo.

²⁷⁹ Mosadimogatša wa gago o dutše fale. Gape o a hloka. O tla dumela, bothata bja pelo bja kgale le dilo di tla no mo tlogela. O tla . . .

²⁸⁰ Mosadi yo thwi mo o kgomagane le wena. Yoo ke mmago. O tshwenywa ke ge eba o ne Moya wo Mokgethwa, goba aowa. Gape, o na le bothata bja sebudula bjoo bo mo tshwenyago, le se sengwe gape. Ngaka fale, mohuta wa moisa yo maatla, o rile, "Ke popelo ye e welego." O be o swanetše go dirwa karo, nako ye nngwe ya go feta. Yena ke mohlodi wa go se karwe gago. O nyakile o tle fa le go rapelelwa.

²⁸¹ Yo a emego thwi ka morago ga gagwe ke leloko tsoko. Mosadi yo moswa yola o a tswalana, ka mokgwa wo mongwe, eupša o no ba ka lenyalo. Motlogolo, ka lenyalo. O tshwenywa ke phološo ya gagwe, le yena. Yeo ke nnete. Gomme o na le bolwetši bja swikiri, mosadi yo moswa. Therešo tlwa. O a dumela? [Kgaetšedi o re, "Oo, ee, mohlomphegi."—Mor.]

²⁸² A re nong go phagamišetša diatla tša rena go Modimo.

²⁸³ O Morena, Mohlodi wa magodimo le lefase, Mothomi wa Bophelo, Mofi wa mpho ye nngwe le ye nngwe ye botse, romela Bogona bja Gago ka magareng ga batho bjale. Ba fe tlhogeloa ya dipelo tša bona, Morena. Re a Go leboga bakeng sa se. Re rapela gore O tla no šegofatša le go fa batho ba se ba se hlokago, ka Jesu Kriste Morena wa rena. Amene.

Ke ba bakae ba dumelago?

²⁸⁴ Ga ke elelwé. Eupša, ka mokgwa wo mongwe, E ile go theoga mothalo wo, go yo mongwe. A yohle e be e le therešo? Phagamišang diatla tša lena. E ka ba mang E boletšego le yena, a E be e le therešo? Go rereša gohle. Gona, ke therešo gore Moya wo Mokgethwa o fa. A yeo ke therešo? Bjale ntumele, bjalo ka mohlanka wa Gagwe. Ke a tseba . . . Ga o dudišege. O lapile. Le a bona? Se belaele. Dumelang bjale gore yo ke Yena. Phefo yela e kitimago yeo e tliego ka Letšatši la Pentecost, ka kamoreng ya ka godingwana, seo ke selo sa go swana seo se amago batho ba ge seo se direga, gobane ke Moya wo Mokgethwa wa go swana. O sepela tikologong, godimo ga lena, yo mongwe le yo mongwe, gonabjale. Ntle, magareng ga mašaba, ke Moya wo Mokgethwa o sepela magareng ga lena.

²⁸⁵ Ke ba bakae . . . ? Ke nyaka le botegele, bjalo ka ge go tla ba ka Beibele ye pele ga ka. Ke ba bakae ba ikwelago maikutlo a go se tlwaelege ka kgonthe, boka Sengwe se sa tšo tla tikologong? Woo ke Moya wo Mokgethwa. Woo ke Yena. Bjale ntumele. Mantšu a Ka ke therešo. Gobane, Modimo o hlatseditše Therešo ya Gagwe ka Beibele, o E hlatseditše ka Maatla a tsogo ya Gagwe, go Le hlatsela ka diphatišišo tša saense, gona ga go selo gape go netefatša ka sona. Ke Modimo. E mo. Ka gona, nkeweng. Ke le botša Therešo. Yo mongwe le yo mongwe wa lena o ka Bogeneng bja Modimo thwi bjale, go fodišwa, sehlopha sohle sa lena. Le dumela seo?

²⁸⁶ Bjale ke le botša se ke nyakago le se dira. Ke nyaka le no, e ka ba kae le lego, yo mongwe le yo mongwe wa lena go bea diatla godimo ga lena seng, gore le tle le bone ga se nna. Le—le no ba le maatla. O modumedi. Ge o ikwela Moya wo Mokgethwa wola . . . O godimo ga gago, mohlomongwe e sego ka go mpho boka ye, eupša Moya wo Mokgethwa wola o godimo ga gago. Yo mongwe, ga go kgathale ke mang, bea diatla godimo ga yo mongwe, gomme ka gona kobamiša hlogo ya gago. Bea diatla tša gago godimo ga yo mongwe, gomme o kobamiše hlogo ya gago. Ke ikwela go lhahlwa go dira se. Ke ikwela gore ke nako ya phodišo ya gago. “Ge o ka kgonà go dumela!”

²⁸⁷ Oo, Moya wo Mokgethwa o sepela godimo ga batheeletši! Moisa yo monnyane yola mošola, go tšwa Georgia, o rapelela ngwaneno yo a dutšego morago mošola; eba le tumelo, dumela. Oo, E no ba mogohle, feela mogohle.

²⁸⁸ Bjale, o se ke wa ithapelela ka bowena. O rapelela motho yo o nago le diatla tša gago godimo ga gagwe. Seo se tla dira yo mongwe le yo mongwe wa lena go rapelelana seng.

²⁸⁹ Bjale, Morena Jesu, Morwa wa Modimo, Yo a tsogilego go tšwa bahung, ebole le ditšhošetšo tša Pontio Pilato le leswao la mmušo wa Roma ga se di kgone go Go swara ka lebitleng. Modimo Ramaatlakamoka o tlie fase ka letšatši la Paseka, gomme wa kgokološetša letlapa morago, wa roba setswalelo. Gomme O tsogile gomme o be o ne barutiwa ba Gago, matšatši a masomenne, go ba roma go ya ka lefaseng le go dira dilo tše tše di dirwago bjale. Yeo e bile mengwaga ye dikete tše pedi ya go feta.

²⁹⁰ Morena, O Modimo. O ka se kgone go palelwa. O mo. Khonferense ye, mosong wo, ye re bilego le yona, re file mabaka mmogo ka dilo tše. Re file mabaka gore O Modimo; o file mabaka, lebaka gore O Modimo, le lebaka leo O lego fa.

²⁹¹ Gomme bjale re na le thomo go tšwa go Wena, go bea diatla yo motee godimo ga yo mongwe. Seo ke se O re romilego go se dira. O rile, "Maswao a a tla latela bona ba ba dumelago. Ge ba bea diatla tša bona godimo ga balwetši, ba tla welwa ke maruru." Yeo ke thomo ya rena go tšwa khonferenseng. Bjale, Morena, "Go obamela go kaonana go phala sehlabelo; go kwa, go phala makhura a kgapa."

²⁹² Bjale, Morena, bjalo ka mohlanka wa Gago, ke a roma, le go laela diabolo yo mongwe le yo mongwe, moyo wo mongwe le wo mongwe, bolwetši bjo bongwe le bjo bongwe, tlaišego ye nngwe le ye nngwe, selo se sengwe le se sengwe sa go fapano se se tshwenyago batho ba. Ka Bogoneng bja Modimo, ka bohlatse bja Moya wo Mokgethwa, ka thomo ya Morongwa a rometšwe go nna, Ke hlohla moyo wo, ka Lentšu la Modimo.

²⁹³ Moya wo wa bolwetši le ditlaišego, o tšwela ka ntle ga batho, Leineng la Morena Jesu Kriste, gomme a nke ba be gabotse. A nke ba ye. Sathane, o no ba mofori. Re biditše seatla sa gago. Nako e tlie, ge Jesu Kriste a iponagaditše ka Boyena ka bogoneng bja Bantle. Bjale, Sathane, o fentšwe. Nako ye nngwe, o swere batho. Ga o na le ditokelo tša semolao bjale. Jesu Kriste o go hlobotše thososo go tokelo ye nngwe le ye nngwe o bego o na le yona, Khalibari. O lefile poreisi ya go tlala, gomme o rile, "Go fedile." Ye nngwe le ye nngwe, polane ye e feletšego ya phološo, phodišo yohle, yohle e fedile mo Khalibari. Gomme wena, go tšerwe go tloga go wena, se sengwe le se sengwe seo o kilego wa ba le sona, ka sebe le ka go wa. Bjale re lopolotšwe ka Madi a Jesu. Gomme o ka se kgone go re swara botelele bjo bo bo itšego. Re re, "Re tlogele, Leineng la Morena Jesu Kriste."

²⁹⁴ Bjale, beang diatla tša lena go lena seng. Tšwelangpele le rapela. Boloka diatla tša gago... Tšwelapele o rapela. Yo mongwe le yo mongwe wa lena o no nagana, "Modimo o kgauswi.

Moya wa Modimo o fa. Modimo o a mphodiša. Botho bja Gagwe, kgaogelo ya Gagwe, botho bja Gagwe, tshepišo ya Gagwe e dirwa kgontha ka go nna.”

Re ka rera lebaka la dibeke le dibeke. Go ka se dire phapano e ka ba efe bjale; Moya wo Mokgethwa o fa. Seo ke sohle O ka kgongago go se dira nako efe kapa efe, go ba thwi mo bjale.

“Gonabjale ke a dumela Moya wo Mokgethwa o bonagala go nna, o netefatša go nna gore Modimo o fa. Ke a Mo dumela. Ke mošomo wo o feditšwego. Ke na le Wona. Ke lefa la ka. Bjale ke tlatšwa ka Moya wo Mokgethwa. Malwetši a ka, go opa le mahloko a ka a tloga. Ditolaišego tšohle tša ka di tloga go nna.” Yeo ke tselo go be o rapela, ka hlogo ya gago e inamišitšwe, mahlo a tswaletšwe. (*Dumela Feela*, bjale.)

²⁹⁵ Bolokang dihlogo tša lena di inamišitšwe bjale. Re ya go opela bjale, feela ka setu.

Dumela feela . . .

²⁹⁶ Go tla tlase go tšwa thabeng . . . Ngwana wa go hwa dihwahwa . . . Barutiwa ba be ba le fao, ba rerišana le tate. Tate o kitimetše go Jesu, gomme o rile, “Morena, thuša ngwana wa ka.” O rile, “Nka kgona, ge o dumela.” “Nka kgona, ge o ka dumela.” Seo ke se A se bolelagoo bjale: “Ke mo. Ke sa tšwa go tla fase go tšwa Letagong. Ke fa, ke magareng ga lena. Ke swere khonferense ye le lena. Ke tloditše modiša. Ke mo. Nka kgona, ge o dumela.”

Ka gore dilo tšohle di a kgonega, dumela feela;
Dumela feela, feela . . .



KHONFERENSE LE MODIMO NST59-1220M
(Conference With God)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Desemere 20, 1959, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org